



सानसेयारि 'बड'सा' खीरालाइयाव  
अमाज्यायि जिउजो लोब्बा थानाय ग्यथाय, खन्थाय,  
अल', अल'बाथा आरु दावबायारि थावनि, पार्क  
बाइदिनि सायाव लिउनाय लिउबिबां दैथाय ठरु!  
सानसेयारि 'बड'सा' खीरालाइया सेबखानावै  
फोखावगोन!

बड'सायाव लिउहरनायनि हुबा खालाम,  
'बड'सा' खी नोथो, जो बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Thursday ★ 19 December, 2024 Kokrajhar, BTC, Assam ★ Vol.-33, Issue No. 262 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

कक्राझार जिल्ला  
खुंथाया गाहाम  
खुंथाय सप्ताह  
फालिगोन

## भुटाननि गेलेफु माइन्दफुलनेस सिटि बिथांखिनि सोमोन्दै फोरमायथिफोरखौ प्रेजेन्टेसननि गेजेरजों गिबि मन्थिआ सुलु लादों

कक्राझार, 18 डिसेम्बर: कक्राझार जिल्ला खुंथाया राइज्योनां हाबाफारिजों लोब्बा लाखिनानै 19 डिसेम्बरनिफ्राय 24 डिसेम्बरसिम गाहाम खुंथाय सप्ताह (जिजिडब्लिउ) फालिगोन। बे सप्ताहया सिबिथाय होनायखौ साबसिन खालामनाय आरो राइजो-राजानि अजदफोरखौ मोजाडे फोजोवनायाव गोसो होगोन। बे समाव कक्राझार जिल्लानि सिडव थानाय गासै रिभेनिउ (□ 6 बिलाइआव)

दिसपुर, 18 डिसेम्बर: न'सुंसे हादत ड्युनआव दिने गिबि मन्थि ७ हिमन्त बिश्व शर्माआ गेलेफु माइन्दफुलनेस सिटि बिथांखिनि सोमोन्दै मोनसे फोरमायथिफोरखौ प्रेजेन्टेसननि गेजेरजों बिथांखिनि सोमोन्दै सुलु लायो। बेनि अनगायैबो द्रुक हिल्ड एन्ड इनभेस्टमेन्ट लिमिटेडआ आबहावा संरैखाथिजों लोगोसे रांखांथियारि जौगाथायनि थाखाय आजावबोनाय बिफाननि सोमोन्दैबो गिबि



मन्थिनि सिगाडाव बान्जायगिरिफोरा फोरमायथिनानै होयो। प्रेजेन्टेसनआव भुटाननि गोहो बिथांखिफोरनि सोमोन्दै प्रप'जेलनि गेजेरजों आसाम आरो भुटान दरनै हा खोन्दोनि दोरोझरि सार्थनि गोरोबलायनाय खालामनायनि बिथिडव गोहो बिथांखिफोरखौ मा बायदियै फोजौखानो हायो बेनि सोमोन्दैबो गुवारि फोरमायथियो। प्रेजेन्टेसन हाबाफारियाव बाहागो लानाय गुबुन गुबुन बाहागोदारि (□ 6 बिलाइआव)

कक्राझार प्लेनेटेरियामा  
दावबायारिफोरखौ बुहुमनि सोमोनांथाव  
बाथाफोरखौ नायगिरिनो थाखाय हांखायहरदों



कक्राझार, 18 डिसेम्बर: कक्राझार रिजार्भ पुलिसनि साखाथियाव दिमोलगावआव थानाय कक्राझार प्लेनेटेरियामाखौ बे बोसोरनि थानाय आगस्त दाननिफ्रायनो सुबुंफोरनि थाखाय बेखेवनानै होनाय जायो। 'बुहुमनि जिउखोरों' आयदानि (□ 6 बिलाइआव)

आं दरसे हादत, मोनसे बिसायख 'थिखौ  
हेफाजाब होयो: मन्थि पिजुष हाज 'रिका

गुवाहाटी, 18 डिसेम्बर: आं वान नेसन, वान इलेक्सनखौ आबुडै हेफाजाब होयो। आलादा-आलादा बिसायख 'थि खुंथाया हादतनि थाखाय मोजां नड। बेनि थाखायनो गाहाइ मन्थि नरेन्द्र मदिआ जाय 'दरसे हादत, मोनसे बिसायख 'थि' (एक देश, एक निर्वाचन) नेमखाथि लाबोदों, बेखौ आं गोसो गोबोनिफ्राय हेफाजाब होदों। -बेबायदि बिबुंथिखौ आसाम सरकारनि मन्थि पिजुष हाज 'रिकाआ होदों। दोलोनि आफदादरि खामानिखौ लानानै बयक सेरफांआव दावबायनायनि समाव हाइलाकान्दिआव फेनानै मन्थि हाज 'रिकाआ खौरांगिरिफोरनि सिगाडाव



बेबायदि बिबुंथिखौ मख'दों। 'वान नेसन, वान इलेक्सन' नि सोमोन्दै खौरांगिरिया

बिथांनिफ्राय फिनजाथाय मिबथिनो हाथ्यायनायाव मन्थिआ (□ 6 बिलाइआव)

चिरां जिल्लाआव जौगालु बिथांखिफोरनि सिडव  
मुलाम्फागिरिफोरनो राडारि अनसुंथाइ रानदों

बिजनी, 18 डिसेम्बर: 'जौगाखां सान' हाबाफारिनि बाहागो महरै गोबां जौगालु बिथांखिफोरनि सिडव रांखांथियारि मुलाम्फागिरिफोरनो नेमखाथि बायदियै चेक रानानै होदों। चिरां जिल्ला पेरेड ग्राउन्डआव दिने खुंथाय मोनसे हाबाफारिनि गेजेरजों राइज्योनि पन्थायत आरो गामि जौगाखां, जाग्रा आदर आरो नोगोरारि जगायथाय बिफाननि मन्थि रन्जित कुमार दासआ रांनि चेक गथायदों। आइजोफोरनि सायाव राडारि बजाखौ बाडय खालामनाय,



दाहार गैयै खालामनाय आरो राडारि उदांखिखौ बांहोनाय थांखिजों जिल्लानि सा 383 आइजो मुलाम्फागिरिफोरनो माइक्रफाइनेस थुलुगा आरो

दासआ थानाय सानफोराव दैबानाजों गोहोम गोलैनाय गं 8 नख'रफोरनो राडारि हेफाजाब होनायजों लोगोसे ओन्सोलनि फालांगिरि आरो फिसा फालांगिरिफोरखौ हेफाजाब होग्रा बेगर फुन्जि बिथांखिनि सिडव सा 56 मुलाम्फागिरिफोरनो राडारि हेफाजाब होयो। मन्थि दासआ आइजोफोरखौ दाहारनिफ्राय उदां खालामनो सरकारनि राहा लानायखौ फोरमायो। मन्थि (□ 6 बिलाइआव)

गिबि मन्थिआ  
राइज्योआरि  
निमाहा बिनानै  
पुलिसनि सायाव  
राहा लानांगौ:  
अखिल गगै

गुवाहाटी, 18 डिसेम्बर: कंग्रेस दोलोनि बान्जायनायाव बुधवारखालि राजभवनखौ बेखन्नाय हाबाफारियाव पुलिसनि टियार गेस गावनायनि थाखाय सासे सोमावसारगिरिया जिउ गोमानायनि उनावनो एमएलए अखिस गगै आ फिनजाथाय होदों। बे जाथायखौ लानानै खौरांगिरिनि सिगाडाव बिथाडा बुदोंदि, बेनिखुइ (□ 6 बिलाइआव)

उदालगुरि समग्र शिक्षा आरो एमआरएसडि एनजिअआ एससि आरो  
एसटि हारि फरायसाफोरखौ नोजोर होनानै सांग्रांथियारि मेल खुंदों

उदालगुरि, 18 डिसेम्बर: समग्र शिक्षा उदालगुरिनि बान्जायनायाव आरो उदालगुरिनि गोजौ थाखोनि गावसुंथा आफद एमआरएसडिनि हेफाजाबाव शोखर शंकरदेब मिशन गोजौसिन गेजेरारि फरायसालिनि मेल जथुमसालियाव दिने एससि आरो एसटि हारियाफोरखौ गोनांथि होनानै समाजआरि रांखांथियारि महरै जानगाराव थानांनाय आफदादि थाखाय जर'खा हाबाफारि खुंथाय जादों। फरायसालिनि गोरायुं मेदिनी बरानि सामलायनायाव खुंजाय



मेललाव गिबियावनो एमआरएसडि एनजिअनि आफदादगिरि मिलन दास आरो बिबानगिरि नृपेन दासखौ बराय मान बाउनाय जादों। बेनि उनावनो फुंखा सुबुं महरै ड

समाजआरि आरो रांखांथियारि महरै सिगांलाहोनायखौ नोजोर लानानै बे हाबाफारिखौ खुंथाय जादों। बिथाडा एससि आरो एसटि हारिनि फरायसाफोरनि थाखाय सरकारआ गथायनाय बायदि रोखोमनि स्कुलारिसिप, बिथांखि एवा रोंगोथि जौगाखां फोरेंथायनि सोमोन्दै फोरमायना हायो। लोगोसेनो सरासनखा थाखोनि थाखाय इडब्लिउएस फोरमान बिलाइनि सोमोन्दैबो फोरमायना होयो। आसाम आरो भारत सरकारआ गथायनाय (□ 6 बिलाइआव)

कक्राझार, 18 डिसेम्बर: बिटिआर गोरोबथानि गेजेरजों गोजोन थासारि गायसनजानाय बिटिसिनि सदर कक्राझारआव फेनाय जर'खा टास्क फर्सआ कक्राझारनिफ्राय सा 7 सन्देह गोनां जेहादि हमनो हानायखौ लानानै ओन्सोलनि राइजो-राजाफोरनि गेजेराव गोखों फिनजाथाय सोमजिदों। मख'नो गोनांदि, कक्राझार जिल्ला आरो कक्राझार पुलिस थानानि सिडव थानाय नामापाय, कासिपाय, बर'भदेयगुरि बायदि गुबुन गुबुन ओन्सोलनिफ्राय गासै सा 7 सन्देह गोनां जेहादि हमनो हायो। हमनो हानाय



सन्देह गोनां जेहादिफोरा जादों फारियै - हाकिम आलि मन्दल, हाबिबुर आलि, मजनु शेख, हामिदुल शेख, नुर इस्लाम, मजिबुर रहमान आरो आब्दुल करिम। गुबुन फार्से'थि, गुबुन फार्से'थि, गुवाहाटीनिफ्राय फेनाय जर'खा (□ 6 बिलाइआव)

सालबारिनि हतापारायाव  
ड्राग्सजों लोगोसे सासे  
फालांगिरिखौ हमदों



सालबारि, 18 डिसेम्बर: बाक्सा जिल्ला सालबारि महकुमानि सिडव थानाय गबर्धना पुलिसआ आइन बेरेखा होबथाजानाय ड्राग्सनि हेँथायै नागिरसंनाय हाबाफारि लानानै सासे ड्राग्स फालांगिरिखौ हमनो हादों। हमजानाय ड्राग्स फालांगिरिखौ हथापारा गामिनि अनुसुमन दैमारी होन्नानै सिनायथिदों। हमजानाय अनुसुमन दैमारीनिफ्राय मोन 25 ड्राग्सजों आबुं जानाय कन्टेनर, मबाइल फन आरो गोबो हाथियार पुलिसआ बोखानो हादों। मख'नो गोनांदि, थानाय हराव स्रोद सुलुनि बिथायाव गबर्धना थानानि पुलिस बिबानगिरि अभिजित गगैनि दैदेन्यायाव हरखाबे गबर्धना पुलिसनि हान्जाया नागिरसंनाय हाबाफारि लादोंमोन। पुलिसनि नागिरसंनायाव ड्राग्स फालांगिरि अनुसुमन दैमारीआ खारखुमानो नाजादोंमोनब्लाबो गावनि गामि (□ 6 बिलाइआव)


बारेंगाबारि गामियाव ग्रीन बड'लेण्ड मिसननि  
सिडव सांग्रांथियारि हाबाफारि खुंदों

कक्राझार, 18 डिसेम्बर: बिटिसि सरकारनि ग्रीन बड'लेण्ड मिसन (जिबिएम) नि सिडव 'थाद'नाय गैयै आरो गोजोर इयुनि थाखाय आबहावाखौ लाबोफिन्नाय' आयदानि सायाव साननैनि सांग्रांथियारि हाबाफारिया बाक्सा जिल्लानि मानास टाइगर रिजार्भनि बारेंगाबारि गामिनि सावराय न'ब्लाडाव दिने निफ्राय जागायजेनो। बे हाबाफारिखौ ग्रीन बड'लेण्ड मिसनआ खुंदों, जाय बिटिसि सरकारनि मोनसे हाबाफारि जाय सोमखोर, स्मार्ट आरो गोजोन बड'लेण्ड लाबोनायनि सायाव गोसो होयो। मख'जाथावदि, ग्रीन



गोरोबहोनाय जादों। बड'लेण्ड हालामनि जिबिएम मिसननि सिडव थानाय गुबुन गुबुन जायगाफोरगुबेयै राइजोआरि हा, हाग्रानि हा, गामिनि गेलेग्रा फोथाराव 1.2 लाखनिबो बांसिन बिफां गायनाय जादों। जिबिएमआ मानस मोसा बिथांखिनि खाथियाव थानाय बारेंगाबारि गामिखौ बोजबना लादों आरो मिशन (□ 6 बिलाइआव)

मुम्बाइनिफ्राय एलिफेन्टासिम थानाय  
लामायाव आरब लैथोयाव नाव  
गोदोनानै सा 13 सुबुंनि जिउ गोमादों



गोदान दिल्ली, 18 डिसेम्बर: मुम्बाइ बोसियायाव नावआ गोदोनयनि जाउनाव सा 13 सुबुंनि जिउ गोमायो। दासिम गासै सा 100 निबो बांसिन दावबायारिफोरखौ बोखानो हादों। दिने बेलासियाव मुम्बाइनि गेटवे अफ इण्डियानिफ्राय एलिफेन्टा दिपसिम थानाय लामायाव बे जाथाया सोमजिदों। बे जाब्रबथायाव सा 4 नेथि मावथिफोर आरो सा 9 नोगोरारिफोरनि जिउ गोमायो। मिथिनो मोन्नाय बायदिब्ला, सा 80 सुबुंफोरनि जिउ गोमायो हानाय गोहोजों नीलकमल नावआव सा 20 गथ'फोरजों लोगोसे सा 110 दावबायारिफोर दंमोन। बेनि गेजेराव सा 101 सुबुंफोरखौ रैखा खालामनाय जाबाय। जाब्रबथाया दिने बेलासिनि 3:55 रिगासोआव उराननि खाथियाव जायो। मुम्बाइनिफ्राय एलिफेन्टा (□ 6 बिलाइआव)



### सुजुगिरिनि खोलोम

## सि-जोम दाग्राफोरसो बर 'नि दानाय-लुनाय हारिमुखौ लाखियो

बुंस हायै समनिक्रायनो गामिआव राइजो जाग्रा सुबुंफ्रा दानाय लुनायखौ गोनां आरिमु महरै गोबाना लाबोदों। बर' माहारिनि गेजेराव बाश्रा फंसे दड, 'जाय हिन्जावा दानाय लुनायाव आखाय गैया बे हिन्जाव सिख्खाखौ रावबो हाबा खालामा'। बाश्राया नंखाय नड। गामिआव नख 'रफ्रोमबो साल-गान्दैजों समायना इसानसालि थानायमोन। मेसें बोथोर सौफैनाय लोगो लोगो नख 'र नख 'र सि सौनाय, नो-खन्नाय, बिनि उनाव गान्दैआव खुन्दुंखौ फान्ना सालाव दानाय। गामिआव हाबहैब्लानो नख 'र नख 'र खालथां-खालथां, माखु गाबनाय सोदोब खोनानो मोन्नायमोन। आथिखालाव नाथाय गामिफ्राव हाबहैब्ला माखु गाबनायखौ बारा खोनानो मोनलिया। मानि जाहोनाव गामिनि आइजोफ्रा सि दानायखौ नागारनो हम्खो, बेखौबो गोथौथै साननो गोनां जाबाय। गोदोफोर खुन्दुंखौ गाव गावनो बाइदि रोखोम मुवाजों गोमो-गोथं, गोजा-गोमो बाइदि रोखोम मुवाजों बाइदि बाइदि गाव गानानै सि दानायमोन। दानिया नाथाय, हाथायाव मोन्नाय गोजा गोथं गोमो बाइदि रोखोम गाबनि खुन्दुं बायनानै दखना, जोमग्रा सिमा बाइदि बाइदि रोखोमनि सि दाबाय।

गोदो गामि गामि इन्दि बिफानि बागान खालामना एम्फौ फिसिनानै फिथोबनिक्राय इन्दि, खुन्दुं दिहुन्नानै इन्दि सि दानायमोन। नख 'राव जोमनो दोन्नाबो गुबुनोबो फानहरोमोन। इन्दि सिनि बेसेनआ गोदोनिखुइ आथिखालाव गोबां बांसिनबाय। गोबां रोखोमनि इन्दि सि दानानै दिहुन्नो हायोब्ला बेनिक्रायबो गोबां रां मोननो हायो। बेजोंनो नख 'रनि गथ'-गथायनि गान्नाय-जोमनायखौबो बुथुमनानै लानो हायो। आथिखालनि सुबुंफ्रा नाथाय इन्दि सिखौ जोमालासेनो हाथायाव मोनफुनाय बाइदिसिना सि-जोमफोरखौसो बायनानै जोमसै।

सि-जोमनि फालांगि खालामनो माखासे आइजोफ्रा सिगांबोनायखौ नुनो मोन्दों। आइजोफोरनि दानाय-लुनायनि आफादफोर दानानै लानायबो नुनो मोनदोंसै। गोबां रोखोमनि उइभिं सेन्टारव दखना, जोमग्रा बाइदि बाइदि सि-जोम दानानै हाथाय बाजाराव फाननोबो लाबाय। गामिनि सिख्खाफ्रानो बे उइभिं सेन्टारव एसेल' दानबान्थाजों दानाय-लुनाय हाबाखौ मावनो गोनां जायो। नाथाय बेजों उइभिंनि दाग्राफोरा बेसेबां मुलाम्फा दैखानो हादों बेबो मोनसे साननो गोनां। नुनो मोन्नाय बादिबैब्ला उइभिंनिक्राय दिहुनजानाय सि-जोमखौ फान्नायनि थाखाय गोनांथि बादिबै गुवार रोखोमनि हाथाय गैया। नांगौ रोखोमनि गुवार हाथाय गैयाब्ला उइभिंफ्रा थानानै थानांगौआ गोब्राब। हादतनि बाइजोआवबो बे रोखोमनि हाथाय थानांगोन। जैरैखि-जाया माहारिनि हारिमु आरो आरिमुखौ फोथाना लाखिनायनि लामाखौबो लाखिलांनगोन। जौनि हालामनि खुंथाया बर' आइजोफ्रा गोदो-गोदायनिक्राय मावबोनाय दानाय लुनायनि आरिमुखौ फोथानानै लाखिनांगोन। खुंथायनि बिबानगिरिफ्राबो गामिफोरनि आइजोफोरखौ थुलुंगा होनानै खाथिना जाग्रा सुबुंफोरनो गानग्रा दखना गांसैनि खुन्दुंखौ जगायनानै सरकारा होनो हानांगोन। आथिखालाव गामियायि सुबुंफोरनि हाल-साला गाहाम नंलिया। जानाय-लौनायखौनो जगायनो हायाब्ला गाननाय जोमनायखौ मात्रै जगायनो हानो? जैरैखि जाया थानानै थानायनि राहाखौ गामिनि सुबुंफोरनो होनो हानांगोन। बेनि लोगो लोगो माहारिनि हारिमु आरो आरिमुखौबो फोथानानै लाखिनांगोन।

### दिनैनि फान्जामुधि

**राशि बाइदियै मुनि गिबि हांखो**

मेघ : अ ल बुध : ऊ ब (उ ए इ) मिथुन : क छ (ड घ)  
 कर्कट : ड ह सिंह : म ट कन्या : प ठ (ण ष)  
 तुला : त र वृश्चिक : ब न धनु : ध भ (ढ फ)  
 मकर : ख ज कुम्भ : ग श (स) मीन : द च (ख ज झ)

- मेघ:** जैरैबो सुखुखौ मोन्दानो हागोन। जेखि मावा मुलाम्फा मोनो हागोन। मोजां सान।
- बुध:** नख 'र संसार जानायाव गोजोन्नाय गैयै सोमजिनो हागौ। गोसो हम्थानानै सोलिनांगोन।
- मिथुन:** देहायाव जालु-जाला जानाया जोबनाय नड। महर-मुस्त्रिआ गोमालानो हागौ। सांग्राडे था।
- कर्कट:** माबा मोनसे जेनायाव गोग्लैनो हागौ। सान्नायफोर जाफुनाय नड। गोसोखौ हम्था।
- सिंह:** बादिसिना रोखोमनि मुवा-बेसादनि मुलाम्फा मोनो हागोन। गोजोन मोनगोन।
- कन्या:** माबाफोर मोन्नायनि सुजुग-सुबिधा मोनो हागोन। गोसोखौ गोजोन मोनगोन। मोजां सान।
- तुला:** नख 'रआव शुभ खामानि मावनो गोनां दडबा मावनानै लानो हागोन। गोजोन मोनगोन।
- वृश्चिक:** जेखि जाया जेनायाव गोग्लैनो हागौ। गोजोन्नाय गैयैजों सम बारहोनांगोन।
- धनु:** बे राशिनि थाखाय गोथार सान। मोजां हाबा मावनानै लानो हागोन। सान्नाय-हनाया जाफुनो।
- मकर:** माखौबा लानानै जिगा सिनांनो हागौ। गोसोखौ शान्ति मोन्नाय नड।
- कुम्भ:** सुथुफोरा बांनो हागौ। माबाफोर जेनायाव खोख्लैनो हागौ। सांग्रां जानानै थानांगोन।
- मीन:** बेफार फालांगि मावनायाव रंखावरि खहा जालानो हागौ। जेखियानो मावा सांग्रांजा।

## बोथोर बिफानआ गुसुखौ लानानै एलार्त फोसावदों

गोदान दिल्ली, 18 डिसेम्बर: हादरनि माखासे राइज्योफोर जर 'खायै दिल्ली-एनसिआरआव बिदुङ लान्थिये दावख्खायागामिनो दड। बेनि जाहोनाव सुबुंफोरा गुसुसिन मोन्दांनो हम्दों। थानाय सानआव दिल्ली एनसिआरआव सरसन्सा खुवाबो साग्लोबदों। गुसुजों लोगोसे दिल्लीआव आबहावा गुबुंलेनि थाखोआबो बांबाय। बेनि जाहोनाव सरकारआ ग्रेप-4 होवथानाय जाबसिन्ना होनांदों। दिल्लीनि अनगयै उत्तर प्रदेश आरो बिहारआवबो बोथोरआ गाज्रि जानो हागौ। बे राइज्योफोरनि माखासे जिल्लाफोरव खुवा खुनो हागौ। हाजोयारि राइज्योफोरजों लोगोसे आथिखालाव गासै सा आरो गेजेर भारतआव गुसुनि



गोहोमआ बांदों। सा भारतनि माखासे राइज्योफोरव मिनिमाम बिदुङ 5 डिग्रिनि गाहायाव थांदों। बेराफार्सें गेजेर भारतआवबो बिदुङ लान्थिये दावख्खायादों। आथिखालाव सान्जौफु आव सान ओंखारनायजों सानआव रेहाय मोन्दों। नाथाय हरआव बिदुङ खम जागासिनो दड। बेनि गेजेरजों बोथोर बिफानआ माखासे राइज्योफोरव गुसुखौ लानानै सांग्रांथि फोसावो।

## मिज 'रामनि डि ब्रेजानि माब्रै मोखाफोरजों लोगोसे म्यान्मारनि सासे नोगोरारिखौ हम्दों



आइजल, 18 डिसेम्बर: आसाम राइफल्स आरो मिज 'राम हाग्रा बिफाननि मोनसे हान्जाया मैया मंगलबारखालि चम्पाइ जिल्लायाव मोनसे जुथाय नागिरसंनय हाबाफारिनि गेजेरजों माब्रै डि ब्रेजानि मोखाफोरखौ रेखा खालामदों। बिसोरो भारत-

म्यान्मार सिमना खाथिनि सान्जा मिज 'रामनि सिडाव थानाय चम्पाइ जिल्लानि जखावथारनि थागिबिमोन। फिनजाथायाव बुंनय जायोदि, संगालि खौरं मोन्नानै नायबिजिरनायाव आसाम राइफल्सनि जवानफोरा ओन्सोलाव नागिरसडो आरो

## डकलामआ चीननि आवग्रिनाय आखुआ भारतखौ जिंगायाव खोलैदों

गोदान दिल्ली, 18 डिसेम्बर: न 'सुंसे हादत भुटनआ भारतखौ आंगो लोगो हादत होन्ना गानायोब्लाबो चीनखौबो बियो जोबोर गियो। भुटननि बे गिनाया डकलाम ट्राइ जंक्सननि साखाथियाव भारतनि जिंगाखौ बांहोदों। भुटनआ थानाय गोबां बोसोरनिक्रायनो बे ओन्सोलाव चीनआ फसंनय गामिफोर फसंनय बाश्राखौबो नेवसिबोदों। गुबुन फारसेथिं, सेटेलाइट इमेजआ गुबुन सावगारिखौ सोराडव लाबोदों। शि जिनपिनि आमिआ भारत-चीन-भुटननि ट्राइ जंक्सनआव जाय खामानि मावदों, बेयो बयखौबो सोमोनां होदों। सेटेलाइट इमेजनिफ्राय बेखौ मिबथिनो मोनोदि, डकलामनि



साखाथियाव थानाय ओन्सोलाव चीनआ दर 8 गोदान गामि फसंदों। डकलामआ बै ओन्सोल, जेराव 2017 आव भारतीय आरो चीननि गेजेराव दावराव जादोंमोन। जायनि जाहोनाव फारनैथिनिबो सान्थिफोरनि गेजेराव 73 सानसिम दावराव-दावसिया सोलिबाय थादोंमोन। रिपर्टनि

## मैसो आरो दावलुर सौलाय होनायनि आसाम सरकारनि एसअपिखौ कर्टआ नेवसिबाय

गुवाहाटी, 18 डिसेम्बर: आसामआव मैसो आरो दावलुर दावफोरनि बादायलायनाय खेला खुंग्राफोरखौ लानानै राइज्यो सरकारा बानायनाय एसअपिखौ गुवाहाटी हाइ कर्टआ नेवसिगारो। कर्टआ बुडोदि, राइज्यो सरकारनि एसअपिआ गुबुन गुबुन हाग्रानि जिव सैरेखाथि आइनखौ सिमफायनाय जायो। मैसो आरो दावलुर दावफोरखौ सौलायहोनाय खेलाया गोदोनिफ्रायनो आसामनि हारिमु आरो आसार-खाथिनि मोनसे एंगार हायै अंग। बे हाबाफारिआ आहम खुंथाइनि समाव जर 'खा महरै रंघरआव खुंजायोमोन। गाहायै बेखौ मागो दमासिनि समाव खुंनय जायो। सुप्रिम कर्टआ जुनारफोर जोखोम जानानायखौ नोजोर लाखिना बेबायदि खाथिफोरखौ नेवसिदोंमोन। 2014 निफ्राय बेखौ होवथानाय जादोंमोन। मोननैबो हाबाफारिआ राइज्यो सरकार थि खालामनाय मान दान्दा एबा (एसअपि)खौ मानिना सोलिनाय बायदियै बे बोसोराव थानाय



जानुवारिआव फिन जागायदोंमोन। हाइकर्टनि जास्टिस देवाशिष बरुआनि बेन्चआ पेट इन्डियाआ थिसन्याय आर 'जलाइनिफ्रय फिन्नायाव आसाम सरकारनि एसअपिखौ केन्सेल खालामो। बिथाड बुंदोदि, आसाम सरकार बै खेलाफोरखौ गनायथि होनायनि थाखाय आइनआव सोलायनाय लाबोनांगोमोन। गुबुन राइज्योफोरबो विवादिनो खालामदों।

## अजित डभालआ सिमना जेनानि सायाव सावरायनो बेइजिंआव सौहैदों

गोदान दिल्ली, 18 डिसेम्बर: भारत आरो चीननि गेजेरआव दानाय जर 'खा थान्दै थाखोनि सावरायनाया बुधबारखालि बेइजिंआव जागोन। जर 'खा थान्दै (एसआर) थाखोनि सावरायनाया सान्जा लादाखआव थानाय एलएसिआव 2020 नि एप्रिल-मे दाननिक्राय सोलिबाय थानाय जेनाखौ फोजोवनायनि उनाव जागायो। बे जथुम्मायाव भारतनि थान्दैआ जेब्लाबोनि बायदि माहारियारि रैखाथि बोसोनगिरि अजित डभालआ खालामगोन आरो चीननि फार्सेनिक्राय गुबुन हादतआरि मन्थि वां यीखौ जर 'खा थान्दै थिसनो। बे जथुम्मोआव बाहागो लानो थाखाय डभालआ



मंगलबारआव बेइजिं सौहैयो। सुलुडाव फोरमायनाय बायदिब्ला, भारतनि फार्सेनिक्राय सान्जा लादाखजों नांजाबनाय एलएसिखौ लानानै सावरायनायखौ जागायनायनि सायाव गोनांथि होनाय जागोन। एसआरनि गेजेरजों सावरायनायनि बेबस्थानि सायाव सान्जा पिपम अटल बिहारि बाजपेयिनि 2003

## रासियाआ केन्सार भेक्सिन जौगाखां होनायनि दाबि दैखांदों



गोदान दिल्ली, 18 डिसेम्बर: आथिखालावबो गासै मुलुगआ केन्सार बायदि गोब्राब बेरामजों जेनायाव गोग्लोनाडो। बे समाव रासियाआ बे बेरामखौ फाहामनायनि मोनसे गिदिर खौरं फोसावदों आरो बेयो केन्सारनि भेक्सिन बानायनो हाबाय होन्ना बुंदों। रासियाआ गावनि बयबो नोगोरारिफोरनि थाखाय बेखौ बेसेन नाडै होगोन। सरकार मिडियानि बायदिब्ला, सावसि मावख 'नि रेडियलजि मेडिकेल रिसार्च

फाहामनायाव बाहायगोन। रासियान सरकारि बिगियानगिरिफोर बेखौ लानानै बिबुंथि होदोंदि, मोनफ्रोम शटआव इन्डिभिजुल पेसेन्टि थाखाय रेजिस्टर्ड दड, जाय सोनाबहा जौगाखौ होनाय केन्सार भेक्सिनफोरजों समान। अदेबानि बे भेक्सिनआ बे केन्सारनि फाहामथायनि थाखाय बानायजानाय नंगौ ना नड बेयो बेसेबां गोहोम गोनां आरो रासियाआ बेखौ मा बायदियै गोहोम गोनां खालामनायनि यजना बानायदों बेखौ रोखा मिबथिनो हानाय जायाखै भेक्सिननि मुंखौबो सोराडव लाबोनाय जायाखै। मुलुगनि गुबुन बाहागोफोर बायदिनो, रासियाआवबो केन्सारनि हारआ बांगसिनो, जायखौ 2022 आव 635,000 नि बांसिन केस थिसनो मोन्दों।

## मणिपुरनि सान्जा इम्फलआव सानै सुबुफोरखौ गुलि गावदों

गुवाहाटी, 18 डिसेम्बर: मणिपुरनि सान्जा इम्फल जिल्लायाव मंगलबारखालि हराव सिनायमोनै हाथियार दैग्रा दुथांफोर सानै सुबुनि आथिडव गुलि गावदों। सिनायमोनै हाथियार दैग्राफोर हिनगां पुलिस थानानि सिडाव थानाय कंबा दैसा सेराव तखेलचांबाम हेमन्त (55) आरो येंखम केश (56) खौ गौग्लोबदों। हाथियार दैग्रा दुथांफोर जायगायाव सौहैयो, बिसोर सानैनि आथिडव गुलि गावो आरो खाबु लानानै खारखुमा लाडो। जायगानि सुबुंफोरा जोखोम जानाय सुबुंफोरखौ थाबैनो थानायाव लानानै थाडो। पुलिसआ सानै खौबो इम्फलनि जवाहरलाल नेहरु इन्स्टिटुट



अफ मेडिकेल साइन्सेज थाखाय ओन्सोलाव (जे एन आइ एम एस) आव नायबिजिरनाय हाबाफारिखौ थिसनो। पुलिसआ जागायबाय।

**Name Correction**

That, my deceased father's actual and correct name Harab Chandra Basumatary, which is recorded in my Aadhaar Card, vide card No. 889274864992 and other relevant documents.

That, in my land document/Jamabandi, vide Patta No. 198, Dag No. 387, situated Dimalgaon under Revenue Circle Kokrajhar, Dist. Kokrajhar, BTR, Assam, wherein my deceased father's name has been recorded as Habar Chandra Basumatary instead of my deceased father's actual and correct name Harab Chandra Basumatary.

That, I do hereby declare that Harab Chandra Basumatary and Habar Chandra Basumatary is the same and one identical person non other than my deceased father's.

**Rabindra Basumatary**  
**S/o. Late Harab Chandra Basumatary**  
**Vill-North Narabari**  
**P.O./P.S./Dist.-Kokrajhar, BTR, Assam.**







## सुबुडा फिसिनो हायै आरो आथिसिडाव दोन्नो हायै गिखंथाव मोनसे रोखोमनि जुनात

मुलुगआव माखासे गिखंथाव जुनातफोर दड। बेफोरनि गेजेरावबो गोबांखीनो सुबुडा गावनि सोलो आरो गोहोजी सामलायनो हानाय जानानै फेदों। अरनबारनि गिखंथाव जुनात मोसा, सिंह, लखाफोरखीबो आथिखालाव सुबुंफोरा न'आव लाबोनानै फिसिफेदों। नाथाय गोबां सुबुंफोरनो मिथियादि, हाग्रानि बबेबा मोनसे जुनात दासिमबो सुबुंनि खाथियाव गंलायाखै। गोबां नाजानायनि उनावबो सुबुडा बे जुनातखौ गावनि सिडाव दोन्नो हायाखै। हाग्रानि बे मोनसे जुनातखौ सुबुडा माब्लाबाबो फिसिफेदो हायाखै। अदेबानि बे जुनातखौ माखासे हलिउड आरो बलिउड सावथुनफोराव नुनो मोन्नाय जायो। माब्लाबा पिसास महराव आरो माब्लाबा गिखंथाव दावनि महराव बेखौ नुनो मोन्दों। इटलीयान 'दा सिटि आफ गड' नि लिरिगिरिआ बे जिउनांखौ सासे सुरेल एबा दायनिजों रुजुदों। बे सुबुंजों सामलायजायि गिखंथाव तुनातआनो जादों-भेरिया एबा सियाल हारिनि मोनसे गिखंथाव जुनात। हाग्रानि जिब-जुनात जरखागिरि स्वप्लिन कताला थांनाय 22



बोसोरनिफ्रायनो भारतनि हाग्रानिबाफोरिफोराव हाग्रानि जुनातफोरनि सायाव नायबिजिदों। बियो गोबां खेब गिखंथाव जिबफोरजों मोगा-मोगि जानादों। माब्लाबा नि समाव जिउखौ लानानैबो खैफोदजों जुजिनादों। नाथाय बियो खेबफोमबो गावनि जिउखौ रैखा खालामनायाव जाफुंसारनो हादों। स्वप्लिनआ जुनातफोरनि जाय हान्जाखौ गिखंथावसिन होन्ना गनायो। बेनो जादों भेरिया। सुबुंफोरा गोबां नाजानानैबो बेखौ खाबुआव खालामनो हायाखै। बे जुनातआ हान्जायाव थायो, गावसिनि नख 'रखौ जोबोर

जोथोन लायो। बेफोरनि हान्जायाव देरसिनखौ मान होनाय आरो गनायनाय जायो। बुंनो थाडेब्ला सुबुंफोर बायदिनो भेरियानि हान्जायावबो देरसिनखौ मान होयो। मख 'जाथावदि, मासे बैसो गोर भेरियाआ 42 हाथाय थायो। बेनि हाथायआ ओरैबायदि गोखोंदि, गिदिर गिदिर हाराफोरखौबो गोरलैयैनो अखुबनो हायो। सावथुनफोराव नुनो मोन्नाय बांसिन भेरियाआ साइबेरियान आरो बेफोरो सैमानिफ्राय गोबां गिदिरसिन जायो। बेनि गासै मोदोमाव रोजा खोमोन थायो। नाथाय भारतआव जाय भेरियाफोरखौ

मोन्नाय जायो बेयो सैमाफोर बायदिनो। बेनि दाथाय एबा गिदिरआ सैमाजों समानफ्राम आरो सोलेरावबो गोबां खम खोमोन थायो। बिहारनि सोनाब संपारन जिल्लानि टाइगर रिजार्भ फरेस्टआवबो माखासे भेरियाफोरखौ मोन्नाय जायो। मुलुगनि गेजेरावबो भारतआरि भेरियाफोरनि जारिमिना गोजामसिन। नाथाय आथिखालाव बेफोर गोमा लांनानायनि लामायाव सौफेबाय बेनि जाहोनावनो बे जुनातखौ भारतआरि हाग्रानि जिब सैखाथि बिथोनमानि गेजेरजों बुहुमनिफ्राय गोमालानो नागिरनाय जुनातफोरनि थाखोआव दोन्नाय जादों।

## इउएस फेडनि थांखि लानायजों सनानि बेसेना दावख्लायदों



गोदान दिल्ली, 18 डिसेम्बर: इउएस फेडनि थांखि लानायनि सिगां दिने बुधवार फुंआव सनानि बेसेना दावख्लायदों। नख 'रारि बाजारवबो सनाया

गोजा सिनाव ट्रेड खालामदों। एमसिएक्स एक्ससेन्जआव बुधवार फुंआव फेगौ 5 जानुवारीयाव डिलिबारी जानो गोनां सनाया 0.08 जौखोन्दो

एबा 60 रां दावख्लायना मोनफ्रोम 10 ग्रामाव 76,811 रांआव ट्रेड खालामदों। फारसेथिं, नख 'रारि सर्राफा बाजारव मंगलबाराव सनाया बांनानै बन्द'

जादोंमोन। दिल्ली सर्राफा बाजारव 99.9 जौखोन्दो हलमार्ग सनाया 950 रां बांनानै 10 ग्रामाव 78,900 रांआव बन्द' जादोंमोन। फारसेथिं, सनानि बेसेनखौ मुलुगनां थाखोआव दावख्लायनाय नुनो मोन्दों। क मडिटी मार्केटआव सनाया 0.11 जौखोन्दो एबा 2.80 डलार दावख्लायना मोनफ्रोम एन्सआव 2,659 डलार फालांगि खालामनाय नुनो मोन्दों। फारसेथिं गल्ड स्पटआ 0.11 जौखोन्दो एबा 2.90 डलार दावख्लायनायजों लोगोसे मोनफ्रोम अन्सआव 2643.93 डलाराव फालांगि खालामदों।

## रंजालि गथ'फोरनि सौरा

### जिउथानाय बोथोराव

जिउ  
थानाय  
बोथोराव  
जों मानसिया  
इसोरखौ बारा गोसोथि होया

जिउ  
थानाय  
बोथोराव  
जों मानसिया  
खालि नागिरो सुखुनि बिलि

जिउ  
थानाय  
बोथोराव  
जों मानसिया  
इसोरखौ सिबिबाय थानो नांगो

जिउ  
थानाय  
बोथोराव  
जों मानसिया  
इसोरखौ बांसिन दिखाराव नागिरो

जिउ  
थानाय  
बोथोराव  
जों मानसिया  
इसोरजों सोमोन्दो हरदम लाखि

-रैदोम बर' बाक्सा

### थुलुंगा हो

जिउआव थांना थानायनि  
दावगानायनि हाबा माव बयनिबो एसे  
जाय फेगौ लामानि हान्थिनाय आगान  
गोजोन दावबाय लानो हानाय जायो

मिजिं गोनां गोसो जिउआव नों फिसिनो नाजा  
गोजान लामा हान्थिनायनि थुलुंगा जाफुनाय मोनगोन  
जिउआव नों बेबादि जिरादखौ मोननो नागेर  
जाय नोंनो गोजोत्रायनि बेसेन मिजिं थुलुंगा गथायो

बेबायदि गोसो सान्नायनि मिजिं आन्जाद दानाय  
जाय समा नोंनो  
गोसो गोर्बोनि बेले-बेजे लाबोना होफैया

बेसेन गोनां नोजोरजों नाय  
जायखौ मिथिनो गोनां दंड  
जिंगा सिनाय गोसो आब्थियै बाहाय  
जिउआव सोरां गोजोन मोत्रो हागोन

बुनायफोरखौ गोसोआव लाखि  
थुलुंगा मोनगोन  
जिउआव दावगानायनि बोसोन ला

गोसो मिजिंनि सानस्त्रि बोहैलानाय  
जिउनि लैथोआव ओरैनो थांगारा।

पदिब. रामसियारि  
सनितपुर

### बस्तरनि फोर्बो

बस्तरनि फोर्बो  
रोखोम रोखोमनि,  
मालाबा गोदान  
मालाबा खैथां-थां।  
सैथ्र' दाना रानस्त्राव-स्त्राव  
बैसागु दाना उसाव बादाव,  
बिबोनाड खारसहैना  
गोदान खबाम रनसायदों  
बेयाइआ सबाइ खारै संना जादों।  
आसार दाना आमथिसुआ  
सावन दाना दै बाना,  
भाद्र दाननि डाइन्थि  
अखाफोर गोर्ले फोर्बोनि थामथि।  
काति दाननि कातिगासा  
जौथि माथि जेवारि सावदों,  
जायगा जायगा माइनाव बरायदों  
आगुनाव बाखिफोरा आबुं जादों।  
फुस दानाव सुहाबो  
मागो दानाव बेलागुर सावो,  
थै थां फागुननि हलि  
गेलेयो हाब्क दैनि।

महेश पाण्डे  
रावस्ताय- पबित्र बत दैमारी,  
ग लाघाट

### मोनसे थांखि

खुसिनि खबाम  
मँगिलनाय जिउ  
सोलेरनि बिसम्बिआ  
मोनसे थांखि।

सबिराम बर'  
राबां, बागसा

### अनजुलि रजे

अनदोंमोन नों रजे  
सिबिदोंमोन नों  
दिने.....॥  
मानि थाखाय  
माखौ लाना, मा सानानै,  
गोर्बोयाव दावदाब दोनलांखो;  
बुजि मोना-मोना  
हमस'नो हाया, हमदां हाया  
उदां जीउयाव खालामलांबाय नों;  
दाहा गलांबाय बायफलेनाय गैयै संसाराव।  
नोंनि सिबिनाय, नोंनि फोथायनाय  
बोजोबदोंमोन आं रजे;  
दिने.....!!  
मानो नाजाव दिया आनि अन्नाय।  
मिथिबाय रजे;  
बेफोर सम आरो मुगानि भावथिना  
गोर्बो बिखाया गावलांबाय  
बायफलेलांबाय गोर्बो गोसोया  
नंखाय जीउनि दिड जावलांनानाय  
मिथिबाय, बे नंखाय मोजां मोन्नायनि गेजेरजों  
गोसो गोर्बो जीउ सोलेरा बायफलेलांबाय  
देहा सोलेरा लोरबां जालांबाय  
गोसोनि मिजिंया लैथोयाव दोबैलांबाय  
गोजावलांबाय रजेया बुर्लु बुथुराव  
जानांबाय आ गोदाव सोराव।

-उटजल ब्रह्म।

## अ! आयै बि टि सि

नोंनि मुड आयै बड'लेण्डमोन.....  
नोंनि मोदैखौ सिनायग्रा  
बर' फिसाफ्रा  
बुडे नोंखौ बर बिमा।  
गावदों नों बै रोमै समनिफ्राय;  
एखम्बा हांमा सुरै  
एखम्बा दाख्रायै, दिनैसिमबो।  
गावनांगोनसो नामा आयै, अरायबो ?  
गावनि गोर्बोनि फिसाफोरखौ  
खाना खीमानांबोनायाव  
बोरै सहायनांखो  
नोंसो मिथिगौ आयै मोथो मोथो।  
फैयै फैयै मुगानि गुथालाव,  
दिने नोंनि अनजालु सासेबाव  
फिसाज्ला हाग्रामा महिलारनि  
रुबायदु आबाद्राय,  
फ्लाम मोफ्लामदों नोंनि गोसोव;  
बाज्त्त-बाज्त्त मोसादों आयै !  
जों बर' फिसाफ्रा नोंनि मोखाडव,  
बि टि सि बिबारनि गेवलांनानाय।

श्री जायखं बसुमतारी  
गामि- ( टिनाली ) लावरी पारा

## दिखारनि हांमा

आंनि जीउनि सिमानि मोदाय  
बिखायाव थानानै नों  
दुखु दाहा होयो मानो, हायनारी ?  
आखाय फोलाव फोलाव  
लिंहरो नों अनसुला खालामो।  
जीउ आरो सिमानि आबि सारफावनो  
फैलाव बाला बारीनि बारा बारफिननो  
नोंनि बिखायाव जेब्लाबो उनफलेनो हाया,  
सहायनो हायै बारनि जेथोआव,  
गोदान जीउनि गोहो होफिननो  
नोंनि गोसोनि साननायखौ जाफुं होनो हालिया  
जादों नोंहा दुखु मानि दिखाराव हांमा।  
जादों नोंहा दाहा मानि हांमायाव  
गोदोनि बाथ्रा जवान बान्था नाथाय नों।  
सानै नों बाथ्रा राइज्जानायनि,  
सिमानि मोनसे देरा लुनायनि  
देंखो बोनायनि सावगारीयाव  
मिजिं गैयै लामा दबथायाव।,  
सान्दों दासो हारसिडै हायनारीया सिरि सिरि  
इयुन मिजिंक गोगोमै गान्थि खानो।

मुश्री रनदा बसुमतारी  
गामि- कात्रीबारी  
ला:सो:- रुणी काता।

## सिमां

मैयानि हराव आंदि मा सिमां नुदोंमोन,  
मैया मैया बुंसनोना हाया।  
सानजा फैसालियाव ओंखारबोनाय  
फुंबिलिनि गोरलै जारौ सानखौ नुनानै  
आंनि गोरबो बिखायादि मानो एसेबां मुहिहाबदों  
आं मानोबा एसेबो हमदां हायाखैमोन।  
आं सानदोंमोन बिनो आंनि जीउ  
गंसे जायराव देरायाव बिजोंनो  
आलो गोजोन संसारा जाफुंसारगोन।  
नाथाय जेब्ला सानजौ फुनि दुंसारनायाव  
मोदोमफुबाय बुहुमाव फोथायथि गैयै बिसआ  
हाग्रानि जुनारफ्रा थाखुमाबाय दंफां बिलाइयाव  
जरासे फारौआ गाब्बाय लैथो बिखायाव,  
मुश्री गैयै आयनि मिनिस्तुनायाबो  
लांसुनिथाफोरनि फानदायनायाव  
जानांबाय दिने जिनाहारि!  
हतसुरिया बिमानि अगियान फिसा नों  
बुंलांबाय आंखो बेलासि बुब्लिया अब्ला ?  
थै गैयै देहाखौ लानानै नाजादोंमोन आं  
लोगो हमथारगोन जोबथा फैसालियाव।  
नाथाइ, गुस्थियाव जारौ मिनिनायजों  
खोमसि गोसोये बुंलांबायल' बियो,  
अनजालु नोंनि सिमाड,  
सिमांआवनो थाथोंदे  
गुबुननो दाफोरमाय

मुश्री जालाउ बसुमतारी  
गामि- रनछाइथाम, गामि- रनछाइपारा  
जिला- चिरां, बि टि सि।

## बुंनानां गौ नोंनिसिम

अब्ला नों बुंनानां गौखौ नों आसुं आबुडै  
आंबो आंनि बुंनानां गौखौ आंबो बुंनाने  
फिन बिदाय समाव।  
नोंनि गुरै गुस्थिखौ  
आंनिजों गोरबफा होन्ना  
नों आंखौ खुदुमोब्ला  
बुहुमाव मोन्नो थाडे।  
सोरगोयाव हानाय अमृत बिदैन  
आखायाव आंनावबो नानाय बायदि  
बेसेदि गोजोन सुदेम मिलौहावनाय जौनि  
अन्नाय मोजां मोनज्जानायनायाव  
नाथाय मिथिआ रजे समनि फखनाव  
बिदिन्थानि गेले होनायआ मा खालाम लाडे  
जौनि इयुन जीउनि दैथुम  
आं अरायबो आरजगाबो रजे  
अबनि सेराव  
नोंनि आरो आंनि  
इयुन जीउनि गोजोनखौ रजे.....।

श्री जनकलाल बसुमतारी  
गामि- काइ मारी ला:सो:- काइ मारी  
जिला- कक्राझार बि टि सि आसाम।



# रसियाआ तालिबाननि उतखारिफोरजों लोगोसे गसंफादों

**मस्क, 18 डिसेम्बर:** रसियाआ तालिबाननि फारसे गिदिर थारिख लादों। गिबि खेबाव रसियायि संसदननि गाहाय सदनआ मंगलबारखालि मोनसे औरैबायदि बिलखौ गनायथि होयो, जाय मक्सनि थाखाय आफगानिस्तानाव तालिबानखौ उतखारि आफादनि फारिलाइनफ्राय बोख्लायनायनि लामा दिन्थिगोन। रसियायि आखु दिन्थिनाया सिगाडवबो आफगानाव तालिबान खुंथाइनि फारसे बयनिखुइ गुरुसिन। आथिखालाव रसियायि बे थारिखौ तालिबानआ गोहो मोनसिनबावगोन। सुलुडव फोरमायनाय बायदिब्ला, रसियायि संसदननि गाहाय सदन ड्युमानि गेजेरजों पास



खालामनाय बिलनि गेजेरजों बबेबा फसंथाननि उतखारि हान्जानि मावख'आरि अफिशेल स्टेयस कर्टनि गेजेरजों केन्सेल खालामनो हागौ। बे बिलखौ आयेनारि खालामनो थाखाय आथिखालाव गोजौ सदननिफ्राय गनायथि मोन्ने आरो हादतगिरि ब्लादिमीर पुतिननि मु'साइनो आद्रा दंबावो। तालिबानखौ 2003

**यरुशालेम, 18 डिसेम्बर:** इजराइलनि गाहाइ मन्थि बेन्जामिन नेतन्याहुआ थांनाय मंगलबारखालि बफर जनाव सौहैयो आरो बे समाव बिथाड सिरियायि सिमनायावबो हाबो। बेबायदिया गिबि खेब जादों, जेब्ला इजराइलनि सासे दैदेनगिरिया सिरियायि ओन्सोलाव हाबो। बफर जनाव आथिखालाव इजराइलआ दख'ल खालामना दड। थांनाय 8 डिसेम्बरवाव सिरियाआव बशर अल-असद खुंथायखौ बोख्लायनायनि उनाव इजराइलनि सान्थिफोरा दरनै हादतनि गेजेरव थांनाय बफर जनाव हाबदोंमोन, जेराव इजराइल आरो सिरियायि गेजेरव जेबो सान्थियारि थाला-फैलाय खालामनि रादाय खादोंमोन।



नेतन्याहुजों लोगोसे रैखाथि मन्थि इजराइल काटसआबो थायो। बे समाव सिरियायि ओन्सोलाव मोनसे गोजौ थाखौनि जथुम्माबो खालामो।

नेतन्याहुआ बुडोदि, इजराइलनि सान्थिफोरा सिरियायि सिमनायाव आरो जर'खायै माउन्ट हरमननि शिखराव थांनाय मोनसे बफर जनाव थागोन,

जेब्लासिम गुबुन बेबस्था मोना, जाय इजराइलनि रैखाथिखौ रोखा खालामगोन। बेतन्याहुआ हाजोनि बरफजों खोबफबना थांनाय थिखिनिफ्राय बे

बिबुंथिखौ होदों। बेयो बे ओन्सोलाव बयनिखुइ जौसिन हाजो थिखिनि आरो सिमनायाव सिरियायि फारसे दड। नेतन्याहुनि बादिब्ला, बियो 53 बोसोर बैसोनि सिगां सासे सान्थि महरै माउन्ट हरमननि शिखराव थांदोंमोन। नाथाय बावयैसोनि जाथायफोरखौ नोजोर होनानै इजराइलनि रैखाथिनि थाखाय बे हाजो थिखिनिनाय मख'जाथावसिन जाबाय। बेरफारसे, गाजा पट्टीयाव 14 दाननि सिगां सोलिनाय दावहाखौ दोन्थ'नायनि सन्देहया बादों। बे बिथिखव दावहा दोन्थ'नाय रादाय खाथियाव सौफेबाय होन्ना सुलुडव फोरमायदों।

# चीनआ आर्टिफिसियेल आइलेन्ड बानायनो थियारि खालामदों



**गोदान दिल्ली, 18 डिसेम्बर:** चीनआ मुलुगनि देरसिन आर्टिफिसियेल आइलेन्ड इन्टारनेसनेल एयारपर्ट बानायनो नागिरदों। बे उरां गाथोनखौ डालियान सहरनि साखाथियाव लैथोमायाव लुनो थियारि खालामदों। साउट चाइना मार्नि पस्टनि बायदिब्ला, डालियान जिनझउवान इन्टारनेसनेल

एयारपर्टआ आथिखालनि डालियान झउशुइजी इन्टारनेसनेल एयारपर्टनि जायगाखै लानो थियारिसै। मानोना डालियान उरां गाथोना दावबायारिफोर बांबोनायनि जाहोनाव माखासे जेनाजों मोगा-मोगि जानाडो। गासै 20.9 बर्ग कि:मि: आवथायनि द्वीपआ उरां गाथोन साइडनि

बिथिडव मुलुगनां थाखोआव गुबुन बिथांखिफोरखौबो उन खालामलां गोन। हंक इन्टारनेसनेल एयारपर्टआ 12.48 बर्ग कि:मि: आरो कंसाइ एयारपर्टआ 10.5 बर्ग कि:मि: जायनिफ्रायबो चीननि उरां गाथोना देरसिन जागोन। बै गनै उरां गाथोनफोराबो आर्टिफिसियेल एबा सुबुड

बानायनाय द्वीपफोराव दड। एभिएशन कन्साल्टेन्सीनि गायसनगिरि ली हनमिआ बुंदों, डालियाननि सुबुंफोरनि बुंनाय बायदिब्ला, बेयो बयनिखुइबो देरसिन। सोलोखान्थियारि महरै, जापान आरो खोला करियायि साखाथियाव थांनाय डालियाननि जाहास गाथोन सहरआ इन्टारनेसनेल फालांगिनि सायाव बिथा खालामजानाय। 6 मिलियननि बांसिन सुबुंफोर थांनाय बे सहरा थाव रिफाइनारिफोर, शिपिं आरो बोरिमा टुरिस्टफोरनि थाखाय मोनसे गाहाइ मिरु महरै जौगाखांबोदों। काउन्सिलआ बुं'दोंदि, जिनझउवान एयारपर्टआव 4.3 बिलियन आमेरिकन डलार खरसा जागोन आरो 2035 सिमाव बेयो आबुडै बानायजागोन।

# चिड' चक्रबातजों फ्रान्सआव गोबां सुबुंफोरनि जिउ गोमादों

**पेरिस, 18 डिसेम्बर:** ब्रैथि खोलोबनि चक्रबात चिड'आ आफ्रिकासिम सौहैनायनि सिगां भारत लैथोमानि द्वीप हान्जानि गिदिर बाहागोआव सिलिंखार खालामदों, जाय फ्रान्सनि साखाथिसिनआव थांनाय गुबुन हादरयारि ओन्सोल। मेयटआव घन्टायाव 220 कि:मि: गोखैथिजों बारनाय बारहुंखाया गोबाव बोसोरनि उनाव गिखंथाव चक्रबातजों रेजा-रेजा सुबुंफोरनि जिउ गोमानो हागौ। फ्रान्सनि बिबानगिरिफोरा बुंदोंदि, मेयटआव चक्रबातनि बयनिखुइबो गाञ्जिसिन गोहोमखौ नुनो मोनगोन। सरकारआ उखैहाबनांनय, बेराम आरो गुबुन जेनाफोरखौ होबथानायनि थाखाय हाबा मावगासिनो। बेरफारसै फ्रान्सनि हादरगिरि इमानुएल मेक्रनआ मदद हसनायनि थाखाय गाहाइ मन्थि नरेन्द्र मदिनो साबायख'र बावदों। मेयट द्वीपनि गंसेल' फाहामसालिनि डेन्टेस्ट नौएल्ले



बौब्बासआ फोरमायदोंदि, फाहामसालिनि इमारजेन्सि बिफानआव गोबां जोखोम जानायफोरखौ नुनो मोनाखै। चक्रबातजों जोखोम जानाय सुबुंफोरखौ नुनो मोनाखै। नाथाय गासैबो मुवाफोरखौ सिलिंखार जानायखौ नोजोर होनानै नायोब्ला गोबां सुबुंफोर होसिन

जानानै थादों जानागौ। अदेबानि मावख'यारि महरै मंगलबारआव सा 22 जिउ गोमानायनि अन्जिमा फोसावदोंमोन। बेरफारसै रेड क्रसआ बुंदों, गावसिनि भलुन्थियारजों लोगोसे सा 1 लाख सुबुंफोर गोमानानै दड। बैयावनि बांसिन ओन्सोलाव फोनांजाबआ बायदों आरो जिउ

गोमानायफोरनि अन्जिमाखौ थि रोखोमै फोसावनायाव गोबाव सान नांनो हागौ। मेयटनि 3.21 लाख सुबुं अन्जिमानि 4 बाहागोनि 3 बाहागो सुबुंफोर निखावरिनि बेंखनआव जिउ खाडो आरो 3 बाहागोनि 1 बाहागो सुबुंफोर लेखा बिलाइ गेयालासे बैयाव जिउ खाडो।

# शेयार मार्केटआव इन्भेसमेन्ट खालामग्राफोरा गोबां मुलाम्फा मोन्दों

**गोदान दिल्ली, 18 डिसेम्बर:** शेयार मार्केटयाव दिने बुधवार (18 डिसेम्बर) खालि मोन 3 कम्पानीफोरनि आइपिअनि लिस्ट खालामो, बेयाव मबिक्विक, भिसाल मेगा मार्ट आरो साइ लाइफ साइन्सेजआ दंफायो। बे मोनथामबोनि एनएसइ आरो बिएसइनि सायाव बांनायखौ लिस्ट खालामो। मबिक्विक आइपिअनि शेयार बाजारवाव गोखोडे एन्ट्री जायो। बेनि शेयार 440 राखव लिस्ट जायो। बे आइपिअनि इश्यु प्राइसनि रुजुनायाव गासै 57.71 जौखोन्दो बांसिन मबिक्विक आइपिअआ 279 रनि बेसेनाव फेदोंमोन। लिस्टनि उनावबो मबिक्विकनि शेयारफोराव



बांनाया सोलिगासिनो दडआरो बेयो 520 रनि थाखोयाव सौहैयो। आथिखालाव आइपिअ इन्भेसमेन्टि मुलाम्फाया गासै 87 जौखोन्दोसिम सौहैयो। भिशाल मेगा मार्टनि आइपिअ

बिएसइयाव गासै 41 प्रिमियामजों लोगोसे 110 रंआव लिस्ट जायो। बेयाव लिस्टनि उनाव गोबां समसिम बांनायखौ नुनो मोन्दों। नाथाय आथिखालाव बेयाव

दावखलायफिन्दों। भिशाल मेगा मार्टनि आइपिअआ 78 रनि इश्यु प्राइसआव फेदोंमोन। बे आइपिअनि गेजेरजों जेबो गोदान शेयार फोसावाखै। इश्युनि अफार फर सेल

विन्डनि गेजेरजों 1,02,56,41,025 शेयारनि बिक्रि जायो। आइपिअनि गेजेरजों 549 रनि बेसेनाव सेयार फोसावो। दिने बिएसइयाव बेयो 660.00 रं आरो एनएसइयाव 650.00 राडै एन्ट्री जायो। बेनि ओंथिया बेनोदि, आइपिअ इन्भेसमेन्ट खालामग्राफोरा गासै 20 जौखोन्दो लिस्टि मोन्दों। बेयो लिस्टिनि उनाव 729 रंसिम सौहैयो आरो आथिखालाव आइपिअ इन्भेसमेन्ट खालामग्राफोरनि मुलाम्फाया गासै 33 जौखोन्दोसिम सौहैदों।

**गोदान दिल्ली, 18 डिसेम्बर:** मारुतिआ जेब्लाबो फिसा-फिसा गारि बानायनायनि थाखाय मिथिसारजायो। बावैसो सिगां बोसोरफोराव कम्पानीआ प्रिमियाम गारि बानायनायाव बांसिन नोजोर होदों। आथिखालाव कम्पानीआ एसइउभि पर्टफिलियखौ गोखौंसिन खालामनो थांखि लादों। मारुतिआ ग्रेन्ड भितरानि मावगासिनो, जायनि कडेनमा वाइ17। बे प्रटयइफनि गिबि नुथायखौ रडआव ट्रायलनि समाव नुनो मोन्ने हागौ। मारुतिनि गोदान एसइउभिआ रोखायैनो ग्रेन्ड भितरानिफ्राय थुलुंगानाय, जेराव डुर कन्सु, उइन्ड' लाइन आरो मिरर



प्लेसमेन्ट, जायखौ खाथियाव नायोब्ला बेनि उननि बाहागोआ गोलाव होन्नानै मिथिनो मोनो। गोदान एसइउभिनि जर'खा डिजाइन गेगुएजखौ दिन्थियो, जाय फेनो गोनां इभितरानि गोरोबफलेयो आरो जायखौ बावैसो सिगां इआइसिएमए 2024 आव शेकस खालामदों। फ्रन्ट फेसिया जर'खायै एट्राक्टिभ, जेराव 3 डट एलइडि डिआरएल गाहाइ हेडलेमनि

सायाव दड। केबिननि मोनसे फिसा नुथाय नुनायनिफ्राय मिथिनो मोनोदि, एन्टरियरआ आथिखालनि 5 सीटरआ ग्रेन्ड भितरानि गोरोबफलेनाय जागोन। बेयाव मोनसे गिदिर थारिफिल फ्री-स्टेन्डिं टचस्क्रीन इन्फटेन्मेन्ट सिस्टेम दड, जाय आबुडैनिउ डेशबोर्ड लेआउटनि सिडव क्रम-एम्ब्लिस्टड एयार कन वेन्टसजों आन्डारलाइन थागोन।

# लहा खादानआव भारतनि गिबिसिन आइजोफोरनि शिफ्ट जागायदों

**गोदान दिल्ली, 18 डिसेम्बर:** आइजोफोरनि खामानि मावनायनि जेबो सिमा गैया। आइजोफोरा मोनफ्रोमबो फोथारावनो मुं आरजिनो हादों। बे बिथिडव लहा खादानआ बे खामानि मावनाय आरो बेनि आबुं बिबान आजावनायावबो आइजोफोरा उन जाना थायाखै। टाटा स्टीलआ झारखान्डनि सोनाब सिंहभुम जिल्लायाव थांनाय गावनि नवामुंडिलहा खादानआव गिबियै आइजो मावफारियाखौ थिसन्ने जागायबाय। बेयो हादतआव गिबि खेब जागायनाय बिथांखि। खौरनि बायदिब्ला,



हा-हाबुफोरखौ फोसाबग्रा मेसिन, फावडे, लडार, डिल आरो डजार अपोरेटर आरो शिफ्ट सुपारभाइजजों लोगोसे कादाननि गिसिबो खामानिखौ आइजोफोरा सामलायदों। टाटा स्टीलआ मोनसे फिन्नायाव बुंदोंदि, भारतआव गिबियै लाबोनाय थांखिया उद्यगआव आइजोफोरखौ गावनि आथिडव गसंथाहोनो आरो समानथि गोनां हाबा मावग्रा मिरु बानायनायनि थाखाय कम्पानीनि गोखौं नोजोरखौ

रोखा खालामो। थांनाय समबाराव खादान रैखाथि लेडइ बिथोनगिरि श्याम सुन्दर प्रसादआ गसिबो आइजोफोरखौ शिफ्ट खालामनाय थांखिखौ गनायथि होदों। टाटा स्टीलनि लेडइ आफादगिरि डि बि सुन्दर श्यामआ बुंवावोदि, बे गसिबो आइजोफोरखौ शिफ्ट खालामनाया कम्पानीनि थाखायल' नड, भारतआरि खादान उद्यगनि थाखायबो जारिमिनारि जाफूसारनाय। बेयो गादबग्राफोरनि गोहोखौ फोजोबग्रा आइजोफोरनि गोहोखौ फोरमान होयो।

No.RDB-69/15<sup>th</sup> Finance/BTC/2021-22 Dated Kokrajhar the 17<sup>th</sup> December, 2024

**NOTICE INVITING TENDER**  
Tender No.

Sealed tenders with a validity period of 180 (one hundred eighty) days from the date of receipt in prescribed from affixing non-refundable court fee stamps of Rs. 8.25 (Rupees eight and paise twenty five) only subsequently to be drawn up in printed F-2 form are hereby invited from the Govt. registered PWD (Building), Irrigation, Water Resources, PHE others Govt. Contractor's under Class-I (A, B, C), Class-II and Class-III category according to tender limit of eligibility for the following works and will be received in the office of the undersigned from 11.00 AM up to 2.00 pm. on 24-12-2024 and will be opened on 10-01-2025 at same place at 2.15 pm in the presence of willing contractors or their authorized agents.

Name of Dev. Block	Name of Scheme	A.A Amount (Rs.)	Tender Amount (Rs.)	Earnest Money	Cost of Tender in Rs.	Time for completion in days	Pre-Bid meeting date & time
Rupshi Dev. Block.	Const. of Community Toilet at Molandubi Bazar.	10,47,960.00	10,47,960.00	Rs. 10480.00 (1% ST, SC, OBC) & Rs. 20,960.00 (2% for others)	Rs. 210.00	3 (Three) months	24-12-2024
Rupshi Dev. Block.	Const. of Community Toilet at Rupshi Part-I Bazar.	10,47,960.00	10,47,960.00	Rs. 10480.00 (1% ST, SC, OBC) & Rs. 20,960.00 (2% for others)	Rs. 210.00	3 (Three) months	24-12-2024

Details NIT may be seen in all working days in the office of the undersigned. Tender paper will be issued to the contractors or their authorized agent up to 12.00 Noon on all working days from 08-12-2024 to 11-12-2024 in the office of the undersigned on payment of in the form of Banker cheque/ Demand draft of nationalized Bank (Preferable SBI) duly pledged to the BDO, Rupshi Dev. Block, BTC, Kokrajhar. The Cost of tender (Non-Refundable) must be in the form of Demand Draft/ Banker Cheque of a Nationalized Bank drawn in favour of the Principal Secretary, BTC, Kokrajhar and payable at SBI, Kokrajhar to be deposited 0.03%.

Sd/-  
Block Development Officer,  
Rupshi Dev. Block, Rupshi

IPR(BTC)-2023-24/1130



(1 बिलाडिन्फ्राय)

## भुटाननि गेलेफु माइन्दफुलनेस सिटि बिथांखिनि सोमोन्दै फोरमायथिफोरखौ प्रेजेन्टेसननि ...

आरो फालांगिरिफोरखौ आसामाव खुंनो गोनां 'एडभान्तेज आसाम 2.0' आयदानि लुफुंथाय आरो इनभेस्ट जथुमाव बाहागो लानो थाखाय गिबि मन्थिआ हांखायो। बे हाबाफारिनि उनाव गेलेफु माइन्दफुलनेस सिटिनि गभार्नर डू लताड सेरिंक'जों गिबि मन्थिआ सानजौफुनि आदार जायो। बेनि अनगायैबो गिबि मन्थि डू हिमन्त बिश्व शर्मा आ जर'खा जिउआरि गुरु-सतगुरुखौ गावनि बिसि रिनिक्कि भुजा शर्माजों थिम्फुयाव थानाय इण्डिया हाउसनआव लोगो हमनानै गुबुन गुबुन जिउआरि आयदानि सोमोन्दै सावरयलायो। बे सावरयनायनि गेजेरजों मोनसे रंजानाय मोन्दों होन्नानै गिबि मन्थिआ फोरमायो। बे सावरयनाय समाव भुटाननि गाहाइ मन्थि सेरि तबगेजों लोगोसे बिथानि बिसि तासि डमानि अनगायैबो भुटानआव थानाय भारतआरि राजथान्दै सुधाकर दालेला आरो बिथानि बिसि नम्रता दालेलाआबो बाहागो लायो। गुबुन फार्सेथि, गिबि मन्थिआ दिने बे दावबायनाय समाव राइजोआरि आरो गावआरि सोल्लोथाइ खोन्दोयाव 4 जिथायनिबो बांसिन सम जर'खा सिबिथाय होबोनाय गागि सोल्लोथाइगिरि अरुन कापुरजोंबो सावरयलायो। मन्थिआ भुटाननि 117 थि माहारियारि सान फालिथायाव भुटाननि राजाया अरुन कापुरखौ गोजा फालि, 'बुरा मार्प' बायदिजों मान होनायनि थाखाय गिबि मन्थि गागि सोल्लोथाइगिरिने गाहाम हामब्लायथि जासियो। गुबुन फार्सेथि, गिबि मन्थिआ दिने भुटाननि जिउआरि आरो हारिमुवारि मिरु जारिभिनारि सिमतखा जंआव नुजाथिहैनानै फुजिहैयो।

## आं दरसे हादत, मोनसे बिसायख थिखौ हेफाजाब होयो: मन्थि पिजुष हाज रिंका

बेबादि बिबुथिखौ होदों। बिथाड बुंदोंदि, जोंनि हादतआव बिसायख थिया आलादा आलादा खुंजायो। बोसोरफोमबो दरत्रै-दरबा राइज्योफोरव बिसायख थि खुंजायो। बेनि थाखाय जौगाखानायनि खामानिफोर 4-5 दाननि थाखाय बन्द' जायो। बेनि थाखायनो आलादा आलादा बिसायख थि खुंजाया हादतनि थाखाय मोजां नडा। गाहाइ मन्थि नरेन्द्र मदिआ वान नेसन वान इलेक्सननि जाय नेमखाथिखौ लाबोदों, बेखौ आं गोसो गोबोंनिफ्राय हेफाजाब होदों। बेबादिया थाबेनो बाहायजायोब्ला हादतआ मोजां जागोन होन्ना आं मोन्दाथिदों। पिजुस हाज रिंकाआ गाव बराक सेरफां दावबायनाय हाबाफारिनि सोमोन्दैबो खौरां बिजोडव फोरमायना होयो। बिथाड बुंदोंदि, जोंनि दोलो आफादिनि फोर्बोआ सोलिगासिनो दड। माखासे सान सिगां सोद्रोमा थिसन्नाय हाबाफारि खुंजादोंमोन। सोद्रोमा थिसन्नाय हाबाफारियाव जोंनि आसामा जोबोद जाफुंसारनो हादोंमोन। जोंनि एक्टिभ मेम्बर एबा सांरां सोद्रोमाफोयोबो गोबां जाबाय। गासै 75 रोजा जोंहा एक्टिभ मेम्बर जाबाय। 62 लाख सरसनस्त्रा सोद्रोमा जाबाय। आधिखालाव जोंनि मन्डलफोर आरो जिल्लाफोरनि थाखाय बिसायख थिनि हाबाफारिया सोलिगासिनो दड। मख'नो गोनांदि, बराक सेरफांनि दरथाम जिल्लायव आफादआरि फोर्बोनि बिबान आजावनाय बिबान गथायनाय जादों मन्थि पिजुस हाज रिंका। बिजेपिनि राइज्योआरि आफादगिरि भवेस कलिता आरो गिबि मन्थि डू हिमन्त बिश्व शर्माआ बिथानो बे बिबानखौ गथायनायनि उनाव मन्थि हाज रिंकाआ बराकनि हाइलाकार्निदआव फैनानै मन्थि कौशिख रायजों बिजेपिनि मन्डलफोरजों लोगोसे आफादिनि फोर्बोआव लोगो हमलायदों। जथुमाव जिल्लाजों लोगोसे जिल्लानि सिडव थानाय बिजेपिनि मन्डल आफादफोरनि बिथाखौ गोखौ खालामनायनि सोमोन्दै दोलोनो गागि मावफारियाफोरजों पिजुस हाज रिंकाआ सावरयलायदों।

## सालबारिनि हतापारायाव ड्रग्सजों लोगोसे सासे...

हतापारनि गाहाइ लामायाव पुलिसनि हान्जाया हमनो हादों। आधिखालाव गबर्धना पुलिसआ ड्रग्स फालांगिरि अनसुमा दैमारिखौ गावसोनि बेंखनाव लादों। हमजानाय अनसुम'आ सिमान जानाय बायदिथै, बरपेटा रडनिफ्राय ड्रग्सनि मोन 25 कन्टेनारखौ बायदोंमोन, लोगोसेनो गावबो ड्रग्स जादोंमोन होन्नानै सिमान जादों। मख'नो गोनांदि, 2021 माइथायाव ड्रग्स फालांगिजों लोब्बा जानानै पुलिसजों हमजाना माखासे दाननाडै जोबथेसालिनि साजा जानादोंमोन। जोबथेसालिनिफ्राय उदां जानायनि उनाव फिन ड्रग्सनि फालांगि हाबा मावदोंमोन होन्नानै फोरमायदों। गबर्धना पुलिसआ गोखौ नोजेर लाखिनाय अनसुमनखौ जोबथारनायाव गोबां बिबांनि ड्रग्सजों लोगोसे हमनो हायो। मख'नो गोनांदि, थानाय माखासे साननाडै गबर्धना थानानि पुलिसआ नागिरसनाय हाबाफारि लाबोदोंमोन होबथाजानाय ड्रग्स, गान्जानि हेंथायै।

(1 बिलाडिन्फ्राय)

## कक्राझार जिल्ला खुंथाया गाहाम खुंथाय सप्ताह फालिगोन

सार्कल मावख', खोन्दो जौगाखां मावख' आरो जिल्ला बेंगिरि मावख'नि पिपेफसिआ अजद बोस्त्रानाय बिन्दो महरै खामानि मावगोन। सिबिथाय होनायजों सोमोन्दो थानाय जेंनाफोरखौ सुखानो थाखाय नोगोरारिफोरखौ बेफोर बिन्दोफोरसिम सौहैनो थाखाय थुलुंगा होनाय जायो। बांसिनै सौहैनो हानायनि थाखाय अजदफोरखौ अनलाइन गथायनायनि मोनसे खाबुबो मोननो हानाय जादों। कक्राझार जिल्ला खुंथाइजों सिपिजिआरएएमएसआव रेबथुमजानाय अजदफोरखौ फोजोबनो थाखाय सांरां राहा लानाय जादों, जाय समाव सुखानायखौ रोखा खालामदों। बेजों लोगोसे, राइजोआरि सिबिथाय होनायाव आखा-फाखा, रोखाथि आरो बिबान होनायखौ बांहोनो थाखाय मोजां खुंथाइनि सायाव मोनसे जिल्ला थाखोनि मावबादा खुंनाय जागोन।

## गिबि मन्थिआ राइज्योआरि निमाहा बिनानै पुलिसनि सायाव..

खासि-बिसि आरो सोंखारिजाथाव जाथाया आसामाव सोमजियाखै। राइज्योनि गेदेरसिन बेरेखा राजखान्थि दोलोआ सुबुंखान्थि सोमावसारनाय हाबाफारियाव पुलिसआ उतखार खालामनानै सोमावसारगिरिफोरखौ बुथारनाय जाथाया बेनो गिबि जानांगौ। गिबि मन्थिआ राइज्योआरि महरै निमाहा बिनांगौ आरो पुलिसनि सायाव राहा लानांगौ। मख'नो गोनांदि, पुलिसआ टियार गेस गावनायनि जाहोनाव फाहामसालियाव मृदुल इस्लाम मुनि सासे कंग्रेस मावफारिया, उखिलआ जिउ गोमादोंमोन।

## मुसलपुर नोगोर आफादिनि

### गोदान मासिगिरि महरै तरुलता..

मावखुलिनि सावरय न'ब्लाडव खुंनाय मोनसे हाबाफारिनि गेजेरजों बे बिबानखौ आजावो गोदानै सायख'जानाय मासिगिरिया। बिबान आजावनायनि उनावनो खौरां बिजोनि सिगाडव तरुलता दासआ मुसलपुरनि राइजो-राजाफोरनि गोलाव समनि जेंनाफोरखौ सुखानायनि बिथिडव बिटिसिनि गाहाइ मावफुं सोद्रोमा प्रमद बर'जों लोगोसे मुसलपुर बिटिसि बियाबनि एमसिएलए आरो बिटिसिनि ना आरो जुनात फिसनाय बिफाननि मावफुं सोद्रोमा रकेश ब्रह्मनि हेफाजाबाव नाजागोन होन्नानै फोरमायथियो। बेनि अनगायैबो बे बिथिडव मुसलपुर ओन्सोलाव जिउ खुंनाय गासैबो हारि-माहारि आरो दोलो-आफादफोरनि मदद-हेफाजाब मोनगोन होन्नानै गोदानै थिसन्थाय मोन्नाय नोगोर आफादिनि मासिगिरि तरुलता दासआ मिजिथिनाय फोरमायो।

## उदालगुरि समग्र शिक्षा आरो

### एमआरएसडि एनजिअआ...

गुबुन गुबुन फ्रि मेट्रिक, आरो परट मेट्रिक स्कुलारसिपफोरखौ माबोरै आर'ज थिसननांगो, मा मा फोरमान बिलाइ नांगो बायदि गुबुन गुबुन बिथांखिफोरनि सोमोन्दै बिथाड फोरमायथियो। बेनि उनावनो बेबादि मोनसे हाबाफारिखौ टंला गोर्जोसिन गेजेरारि फरायसालियाव गोरायुं दिलिप बरुवानि आफादगिरि मासि सामलायनायाव खुंनाय जादों।

(1 बिलाडिन्फ्राय)

## कक्राझार प्लेनेटेरियामा दावबायारिफोरखौ बहुमनि सोमोनांथाव बाथाफोरखौ नायगिरनो...

सिडव गावनि गोसो बोनो हानाय दिन्थिफुंनायफोरजों, प्लेनेटेरियामा ब्रह्माण्डनि गुमुरफोरनि सोमोन्दै सोल्लो गोसो गुदुं नायगिरिफोरनि थाखाय मोनसे गोसोबोनो हानाय मोन्दाथि होयो। दिन्थिफुंनायफोरखौ सानफ्रोमबो गोबां रावफोराव खुंनाय जायो, जाय बायदि रोखोमनि नायदिगिरिफोरनि थाखाय सौहैनयखौ रोखा खालामो। फारिलाइआव इंराजियाव फुनि 11:30 रिंगा, बेलासिनि 1:00 रिंगा आरो 4:00 रिंगायाव अस'मीया रावआव आरो हिन्दीआव 2:30 रिंगायाव दिन्थिफुंनाय दं। बेफोर दिन्थिफुंनायफोरा बहुमनि गेजेरजों मोनसे गोसो बोनो हाथाव दावबायनाय होयो, जाय बेखौ थागिरिफोर आरो दावबायारिफोरनि थाखाय रोखोमसे दावबायथारनांगौ थावनि बानायो। प्लेनेटेरियामा समबाराव बन्द थायो आरो मोनफ्रोम दाननि 15 अक्ट'आव मोनसे सरसनस्त्रा जिरायनाय सान फालियो। टिकेटनि बेसेना बाडइ बेसेननि, फरायसाफोरनिफ्राय 15 रां आरो सरसनस्त्रा सुबुंफोरनिफ्राय 30 रां लायो, जायजों बेखौ नख'र आरो सोल्लोथायारि हान्जाफोरनि थाखाय गोरलैयै मोननो हानाय खालामो।

## चिरां जिल्लाआव जौगालु बिथांखिफोरनि सिडव मुलाम्फागिरिफोरनो राडारि अनसुंथाइ रानदों

दासआ बुडेदि, गिबि मन्थि डू हिमन्त बिश्व शर्मानि दैदेन्नायाव बेफोर बिथांखिफोरा आइजोफोरखौ आत्मनिभर जानो हानाय गोहो होदों। जोंनि आइजोफोरा आत्मनिभर जायो अब्ल चिरां जिल्लाया आत्मनिभर जानो हागोन। जाय आसामखौ आत्मनिभर खालामनायाव बिहोमा होगोन। एरैहाय बिजनीनि एम.एल.ए. अजय कुमार रायआ गाहाइ मन्थि नरेन्द्र मदि आरो गिबि मन्थि डू हिमन्त बिश्व शर्मानि दैदेन्नायाव आयजोफोरखौ गोहो होनाय, बिसोरखौ आत्मनिभर खालामनाय आरो ओनसोलाव समाजारि-रांखांथियारि जौगाथायनि थांखिजों बिथांखिफोर दानायनि सायाव गुवारै मिथि होयो। चिरां जिल्लानि जिल्ला कमिसनार जितन बराया जौगालु बिथांखिफोरनि गुवारै मिबथिहोयो। बे हाबाफारियाव बिटिसिनि लेडइ बुंथिगिरि अभिराम महानायकजों लोगोसे एमचिएलए प्रदीप कुमार बायन, ए.डि.सि. फिर्दौस आलम शेख, ए.डि.सि. जुगा कृष्ण राजबंसि आरो चिरां जिल्ला खुंथायनि गोर्जो थाखोनि मावख'गिरिफोरा बाहागो लायो।

## कक्राझारआव एसटिएफआ सिग्रोमनानै सा 7 सन्देह गोनां जेहादि हमदों

साब्रै जेहादिफोरनि मुंखो फोरमायथियाखै। बे बिथिहाव कक्राझारनि उग्रा पुलिस बिबानगिरि पृथिविराज राजख'वाजों मोगा-मोगि लानायाव बिथाड साब्रै सन्देह गोनां जेहादिखौ एसटिएफ हान्जाया लाना थानों होन्ना फोरमायोब्लाबो खौरां बिजोनि सिगाडव जेहादिनि मुं फोरमायनायनिफ्राय जानगाराव थायो। गुबुन फार्सेथि, सा 7 जेहादिफोरखौ हमनानै गुवाहाटीसिम लाना थानाय हाबाखौ एबिएएममुनि गाहाइ नेहाथारि जाइदुल इस्लामआ गोखौ फिनजाथाय होनानै जेहादिनि मुडाव जाहाथे दाय गैयै सुबुंफोरनि सायाव इनाय-अनागारि खालामनो नाडा होन्नानै सरकार आरो खुंथायनिसिम खावलायहरो।

जेहादिनि सन्देहजों कक्राझारनि गुबुन गुबुन जायगानिफ्राय गासै सा 7 सुबुंफोरखौ हमनानै गुवाहाटीसिम एसटिएफआ लाडोब्लाबो आद्रा थानाय माखासे सुबुंफोरखौ बांसिनै मिथिनो थाखाय सोंथि खालामगामिनो दं होन्नानै पुलिसनि जर'खा सुलुडा मिथिहोदों। गुबुन फार्सेथि, हमजानाय सुबुंफोरा जेहादि नडा होन्ना दाबि खालामनानै लाइमोनफोरा राज मिस्ट्रि, टाइल्स मिस्ट्रि मावनानै नख'र खुंगा लाइमोनसो होन्नानै गामिनि राइजो-राजा आरो नख'रनि सुबुंफोरा फोरमायनानै बिसोरहा जेबो दाय गैया होन्नानै दाबि दैखाडो।

## मुम्बाइनिफ्राय एलिफेन्टासिम थानाय लामायाव आरब लैथोयाव नाव गोदोनानै सा 1 3 सुबुंनि...

दन्दरसिम थानाय समाव आरब लैथोआव बूसार दिपनि खाथियाव नेभिनि गंसे पेट्र'ल स्पिड नावजों नावआ सौग्रावदोंमोन, जायनि जाहोनाव नावआव दै हाबो आरो लैथोयाव गोदोलाडो। गिबि मन्थि देबेन्द्र फडणबिसआ फुनि 8:25 रिंगायाव आयेन आफादनो बुडेदि रैखा खालामजानाय सुबुंफोरखौ देहा फाहामसालियाव थिसन्नाय जादों। राइज्यो सरकारा गासैबो थैनायनि नख'रनो 5 लाख रां होगोन। पुलिस आरो नेभिआ जयै जाब्रबथायखौ नायबिजिरगोन। रैखाथि आरो रैखाथि हाबाफारिखौ नेभि, जवाहरलाल नेहरू पर्ट ट्रस्ट (जेएनपिपिटि), कस्ट गार्ड, येल' गेट पुलिसनि गं 3 आरो जायगायारि ना हमग्रा नावफोरनि मददजों खालामनाय जायो। रैखाथि हाबाफारियाव, दै सान्थि हान्जानि गं 11 नाव, मरिन पुलिसनि गं 3 नाव आरो कस्ट गार्डनि गं 1 नावआ बाहागो लायो। रैखाथि हाबाफारियाव गंभ्रै हेलिकप्टरफोराबो बाहागो लाफाओ। दावबायारिफोरखौ गेटवे अफ इन्डियायाव लाबोफिननाय जायो। नेभिआ एक्सआव परट खालामनानै फोरमायोदि नेभिनि जाहाजआ इन्जिन ट्राइलआव दंमोन। केप्टेना बेनि सायाव सामलायनायखौ खोमादोंमोन आरो जाहाजआ निलकमल नावजों सौग्रावहैयो। रैखाथियाव गंभ्रै नेभि हेलिकप्टर, गं 11 नेभिनि जाहाज, गंसे कस्ट गार्ड नाव आरो गंथाम लैथोआरि पुलिस नावफोर दंमोन। नेभि आरो नोगोरारि जाहाजफोरा सुबुंफोरखौ रैखा खालामो आरो बिसोरखौ देहा फाहामसालियाव दैथायहरो। जाब्रबथायाव खमैबो सा 13 सुबुंफोरा जिउ गोमायो। निलकमल नावजों सौग्रावनाय स्पिडबटआव सा 6 नेभिनि मावथिफोर दंमोन, जायनि गेजेराव सा 4 नि जिउ गोमायो। बेयाव सासे नेभि मावथि आरो सानै अइएम (गुबै आगजु दिहुनग्राफोर) दं। जेराव नेभिनि जवानफोरा गोब्राबै जोखोम जायो।

## बारेंगाबारि गामियाव ग्रीन बड'लेण्ड मिसननि

### सिडव सांग्रांथियारि हाबाफारि खुंदों

दावबायनायनि ब्रै दाननि गेजेरावनो गामियावनो गासै 2400 निबो बांसिन बिफांफोर गायदों। बारेंगाबारि गामिनि रोजा-रोजा सुबुंफोरा हाबाफारियाव बाहागो लायो, जाय ओन्सोलनि हारिफोरनि गेजेराव प्लास्टिक गैयै गामि, गोम्गो आबहावा आरो गोसो बोभथावनो हानाय मिथिगानि हाबाफारिखौ नोजेर होदों। बिटिआव ओन्सोलनि मानस माहारियारि पार्कनि खाथि-खाला दावबायथाय बिथिफोरनि गोसो बोनो हानायनि थाखाय ओन्सोलनि सुबुंफोरखौ नांथाबनायनि गेजेरजों गामियाव लाथिख' दाखोर-दाला आबहावा बानायनो सांग्रांथियारि हाबाफारिनि सायाव गोसो होनाय जादों। बाहागो लागिरिफोरजों दाखोर-दाला सामलायनाय आरो साखोन-सिखोन हाबाफारिनि सायाव सांग्रांथि लाबोनायनि सायाव मोनसे सावरय जथुम खुंनाय जायो। बे हाबाफारियाव जिबिएम मिशन आरो मिडवे जानीखौ दिन्थिनय मोनसे पावार पइन्ट प्रेजेन्टेसनबो होनाय जायो। मोनसे हारिमुवारि दिन्थिफुंनाया नुजाथिनाय नायगिरिफोरनि गेजेराव हारिमुवारि रंजानाय सोमजिहोयो। ग्रीन बड'लेण्ड मिशननि मिशन सामलायगिरि मनरन्जन दास, इडपिपिएलनि खौरां बिजों नेहाथारि हन्थिगिरि नार्जारी, सिखिरि कटेजनि सामलायगिरि बिथोनगिरि शक्ति सिंह, मिडवे जानी बायदि एनजिअनि स्टेकहल्लदार सोद्रोमाफोर, बिटिआरनि लोगो रोंग'साफोरा बे हाबाफारियाव मैखोम बाहागो लायो। दासआ बुडेदि जिबिएमआ गासै ओन्सोलाव बिफां-लाइफांफोरनि गोबां बिफां गायनायजों मिशनखौ जागायजेनो। बिथाड बुडेदि बे मिशना ओन्सोलनि नोगोरारिफोरनिफ्राय मोजां फिननाय मोन्दों आरो बे बायदिनो थानाय ब्रै दानाव दासिम 1.2 लाखनि बांसिन बिफां गायनो हादों। बिथाड मख'योदि जिबिएम मिशना बाक्सा जिल्लानि मानस मोसा बिथांखिनि खाथियाव थानाय बारेंगाबारि गामिजों लोगोसे बिटिआरनि गं 10 गामिफोरखौ बोजबना लादों जेराव दासिम गोबां बिबांनि बिफां-लाइफां गायनाय जादों। बिथाड बुंवावोदि बारेंगाबारिनि गामियारिफोरा सोमखोर बड'लेण्ड बानायनो थाखाय बे हाबाफारियाव गावसोरनि आबु हेफाजाब होदों। बिथाड गोसो गुदुं, स्मार्ट आरो गोर्जोने बड'लेण्ड खालामनायजों लोगोसे बिटिसिनि गाहाइ मावफुं सोद्रोमा प्रमद बर'नि दैदेन्नायाव बिटिसि सरकारनि मोनसे गाहाय हाबाफारि। "जिबिएम जागायजेनानयनिफ्राय, गासै ओन्सोलाव 258 लाइमोन क्लाबफोरा बिफां फुलि गायनाय हाबाफारियाव नांथाबना दं आरो जिबिएम हाबाफारिजों मोन 10 गामिफोरखौ नाजावनाय जादों। जिबिएमआ फेबाय थानाय समाव दावबायारिफोरनि गोसो बोनो हाथाय नोगोरारिफोरनि गेजेराव प्लास्टिक गैयै गामि बानायनायाव गोसो होदों। गासै गोसोजों, मिथिगानि फारसे मोजां मोन्नाय आरो खुसि जिउ दैदेन्नायखौ ग्रीन बड'लेण्ड मिशन हाबाफारिनि गेजेरजों गोसो होनाय जायो होन्नानै दासआ बुडे।

# बासुगाव सहरनि साखाथि आरो बडाइगाव जिल्लानि माखासे ओन्सोलफोराव मोब्लिब सिबिथाया बन्द' जानानै दड

बासुगाव, 18 डिसेम्बर: चिरां जिल्लानि बासुगाव सहर आरो साखाथि ओन्सोलफोरजों लोगोसे बडाइगाव जिल्लानि बिद्यापुर, बिलासपुर आरो धनटला ओन्सोलाव थानाय 32 घन्टानाडै मोब्लिब जगायथायनि सिबिथाया बन्द' जानानै दड। मख'नो गोनांदि, मंगलबारखालि सान्जौफुनि 12 रिंगानिफ्राय बासुगाव सहरजों लोगोसे माखासे ओन्सोलफोराव मोब्लिब जगायथाय सिबिथाया बन्द' जानानै थानायनि जाहोनाव सरसनस्त्रा थाखोनि राइजो-राजाफोरनि गेजेराव हालाय-हाफाय थासारि सोमजिदों। 32 घन्टानाडै मोब्लिब जगायथाय सिबिथाया बन्द' जानायनि जाहोनाव बासुगाव सहरनि न'फोरव दैनि आंखाल नुनो मोन्दों आरो मोब्लिबनि मटरनि सायाव सोनारना थानाय नख'रफोराव दैनि आंखाल सोमजिदों। सरसनस्त्रा नडै मोब्लिब जगायथाय सिबिथाया बन्द' जानानै थानायनि जाहोनाव गासैबो डिजिटेल सिबिथाय होनाय जुथाय सिबिथाय मिरुफोरा बन्द' जादों। लोगोसेनो आधिखालाव हान्था-मेलानि थाखाय



बांसिनथारै बाहायजानाय इ रिक्सानि हान्था-मेलफोरा बन्द' जानो हमदों। गोबाव समनाडै मोब्लिब सिबिथाया बन्द' जानानै थानायनि थाखाय सरसनस्त्रा सुबुंफोरनि जिउ खानायाव जेंना सोमजिदों। मैयानिफ्राय हर जायोब्ला चिरां जिल्लानि बासुगाव सहर, बडाइगाव जिल्लानि गेदेत मोनसे ओन्सोला खोमसिनि थासारिजों मोगा-मोगि जानो गोनां जादों। खाफाल गात्रिनि बाश्रादि, 32 घन्टानाडै मोब्लिब सिबिथाया बन्द' जानानै दडब्लाबो बासुगावआव

एपिडिएलनि मावखुलिया मोब्लिब जगायथाय सिबिथायखौ माबोला सरसनस्त्रा जागोन बेनि जेबो रोखा फोरमायथिनो हायाखै। बेनि सोमोन्दै खौरां बिजोनिफ्राय बासुगाव सहरव थानाय एपिडिएलनि मावखुलि याव बिबानगिरिफोरजों सुलाद लानायाव फोरमायना होदोंदि, मंगलबारखालि सान्जौफुनि 12 रिंगायाव बासुगाव सहर आरो साखाथि ओन्सोलफोराव हरखाबै मोब्लिब जगायथाया बन्द' जादों। बे समनिफ्रायनो

गोहो बिफाननि मावसुमाफोरा माबेयाव गात्रि जादों बेखौ सिनायथिनो गोबाव सम नांदों। बासुगाव सहरव जाय गाहाइ मोब्लिब बोनानै लानाय गाहाइ तरआ रेल लाइननि हा सिंजों बारलांदों, बे तरआ गात्रि जानायनि थाखाय मोब्लिबनि सिबिथाय जेंनानि थासारिया सोमजिदों होन्ना मिबथि मोन्दों। गात्रि जानायखौ फाहामफिन्नो माखासे सम नांनो हागौ होन्ना मिजिथिनानै उफ्रा मोब्लिब फोनांजाबनायनि बाश्राखौ सानानै थानाय से खावसे बोसोर नाडै बन्द'

खालामनानै लाखिनाय गोजाम धालिगाव-बासुगाव गाहाइ मोब्लिब बोनानै लानाय लाइनखौ बाहायफिन्नो थांखि आजावदों। नाथाय खौरां सुजुनायसिमाव एपिडिएल बिफानआ बन्द' जानाय मोब्लिब जगायथाय सिबिथायखौ सरसनस्त्रा खालामनो हायाखै। गुबुन फारसे बासुगाव नोगोरारि मोन्थाय आफादिनि दैदेनगिरि चन्दन दासआ बुंदोंदि, आधिखालाव सुबुंफोरनि गोदान मुगानि जिउ खानायाव नागारथावजायै जादों मोब्लिबनि बाहायनाया। मोब्लिब जगायथाय सिबिथाय गैयैआव सरसनस्त्रा सुबुंफोरनि जिउ खानाया जेंना गोनां जादों। बेबादि थासारिया गाबोनसिमाव आरोबाव जोबोद जेंना सोमजि सिनबावगोन। सरसनस्त्रा नोगोरारिनि बे जेंनाखौ नोजेर लाखिनानै एपिडिएल बिफान गोखै मोब्लिब जगायथाय सिबिथायखौ सरसनस्त्रा खालामनो ओन्सोलनि राइजो-राजाफोरा खावलायदों। जायनि अनगायै गाबोन बासुगाव सहरनि राइजो-राजाफोरा एपिडिएलनि हेंथायै हेंथा सोमावसारनाय हाबाफारि लानो गोनांथि जागोन होन्ना फोरमाना होदों।



# गाहाम देहानि राहा

## नाशपती फिथाइया संपलखौ मोजाडै लाखियो

नाशपतीआ रोखोमसे फिथाइ, जाय पुष्टिगोनां गुनफोरजों बुंफबनाय। बेयाव गोबां बिबांनि भिटागिन, खनिज आरो एन्टीअक्सिडेन्ट थायो। नाशपतीआव गोबां फाइबार, भिटागिन-सि, फाइट्युट्रियेन्ट, फ्लेभनोइड्स, प्रोटीन, आयरन आरों के लसियाम थायो, जाय सावस्त्रिनि थाखाय मुलाम्फा गोनां। नाशपती जानायनि मुलाम्फाफोरा जाबाय-



बांसिन गोहोम गोलैयो।

बेरामनि बेरेखायै गोहोम गोनां फोरमान जाबाय। फिथाइ-सामथाइ, मैंग-थाइंग, माइरनि फाइबारा ब्लाड प्रेसार आरों कलेस्ट्रलखौ बाडाय खालामनानै बिखानि बेरामनि खौफेदखौ बाडाय खालामनो हायो।

5. कनस्तेसननिक्राय रैखा मोनो: नाशपतीया कनस्तेसेसनआव मुलाम्फा गोनां जानो हागौ। बेयो हजम खालामनाय बिखानिखौ साबसिन खालामो, स्टुलखौ गुरै खालामो आरों बारहोनो गोरलै खालामो। बे फाइबरानि बिबाड स्टुलखौ गिलिर खालामो। बेबादिनो, नाशपतीयाबो स्टुलनि खनले-खनले बांहोनायाव हेफाजाब हायो।

1. लिरथाय बाडइ खालामनाय: जुदि थाबेनो लिरथायखौ बाडय खालामनो लुबैयोब्ला आदाराव नाशपतीखौ सोफादेरनांगौ। मोनसे बिजिरसनायनि बायदिब्ला, 12 सप्ताहनि थाखाय सानसेआव 3 खेव नाशपती जायोब्ला लिरथाय गोखैयै खमायलाडो।

2. गोमो संपल: नाशपतीफोरा देहायाव सिदोमा लाबोफिनानै संपलनि सावस्त्रिखौ मदत होनो हागौ। नाशपती जानाया संपलखौ मदत होगोन, जाय गोरान हाद्रिजों बुंफबनाय बारनि जाहोनाव जानाय टक्सिनजों

3. लिभारनि थाखाय मुलाम्फा गोनां: नाशपतीयाव थानाय आर्बुटिनआ लिभारनि बेरामफोराव मुलाम्फा गोनां जानो हागौ। बेयाव थानाय आर्बुटिनआव एन्टीअक्सिडेन्ट, एन्टी-इनफ्लेमेटरी आरों लिभार-रैखाथि होग्रा गुनफोर दं। बेयो बिलिरुबिननि थाखोखौ गाहायाव लाबोयो। आर्बुटिनआ लिपिड पेर'क्सिडेशनखौबो होबथायो आरों लिभारनि जिब्रिफोरेखौ रैखा खालामो।

4. बिखाखौ मोजाडैलाखियो: नाशपती जानाया कलेस्ट्रलनि थाखोखौ सामलायो, जाय बिखाखौबो मोजाडै लाखियो। नाशपतीया फाइबरानि मोनसे मोजां फुंखा, जाय बिखानि

# 'पुष्पा 2' सावथुना 13थि सानसिमावबो मोजां रां आरजिगासिनो दड

'पुष्पा 2' नि दोहो सोमजिनायखौ इन्डियानि अनगायैबो मुलुगनाडेनो नुनो मोन्दों। माखासे सुबुंफोरा पुष्पाजनि स्टइलआव डायलाग बुंगासिनो दड, माखासेफोरा बिथानि बायदि गेटआप खालामनानै रिल्स शोयार खालामगासिनो। सावथुननि मेथाइफोरेखौ रिलिजनि समाव सुबुंफोरा मोजां मोनाखै मोनब्लाबो, नाथाय आथिखालाव मेथाइया बयनिबो खुगायाव दड। बे सावथुननि क्रेजिखौ नुनानै मेकार्सफोरा सावथुनखौ सानसे सिगां सिनेमाहलफोराव रिलिज खालामदोंमोन। 2024 नि 5 डिसेम्बरखालि वाल्डवाइड रिलिज जानाय सावथुना सिनेमाहलफोराव नुजाथिनाया



दिनै 13 सान आबुं जाबाय। हादतआवल' नडा, गुबुन हादतआवबो सावथुननि क्रेजिखौ खम जानाय नुनो मोनाखै। रणबिर कापुरनि एनिमेलनिफ्राय लानानै शाहरुख खाननि जवान बायदि गिदिर सावथुनफोरनि रेकर्डखौ सिमफायनो हानाय 'पुष्पा 2'

नि नोजोराव आथिखालाव प्रभासनि सावथुन 'बाहुबलि-2' आ फैंदों। आल्लु आर्जुन आरों रश्मिका मन्दानि सावथुना सानफ्रोमबो मोनसे गोदान रेकर्डखौ गावनि मुं खालामदों। बे सावथुना नैथि मंगलबारखालि

बक्स अफिसआव मोजां रां आरजिदों। साउथनि गिदिर ट्रेड एनालिस्ट मनबाला भिजयबालनआ गावसिनि अफिसियेल एक्स एकाउन्टआव सावथुननि 13थि साननि खामायनायखौ शोयार

खालामबाय। पुष्पा 2 सावथुना रिलिजनि 13थि सानाव मुलुगनाडेनो खमैबो 42.62 कौटि रां आरजिबाय। सावथुननि वाल्डवाइड गासै कालेक्सनआ 1410.38 कौटि रंसिम सौहैबाय। मुलुगनाडेनो गिबि सानाव 282 कौटि रां आरजिनो हादोंमोन। नैथि मंगलबारखालि 1410 कौटि रां बारनो हानाय आल्लु अर्जुननि सावथुना प्रभासनि सावथुनजों बादायलायनो खाथिसिम सौहैबाय। मुलुगनाडेनो बे सावथुना 'बाहुबलि 2' खौ फेजेन्तो थाखाय खमैबो 400 कौटि रांनि फालांगि खालामनो गोनांथि।

## स्पाइडार मेन फ्रेन्चाइजिनि अनसाइगिरि-फोरनि थाखाय गाज्रि खौरां

स्पाइडार-भास' फ्रेन्साइजिखौ नायग्राया गासै मुलुगावनो दड। सावथुननि अनसाइगिरिफोरा गोबां दड, सुबुंफोरा बेजों लोब्ला थानाय आपडेटनि सायाव नोजोर होनानै थाबाय थायो। अनसाइगिरिफोरा गोबाव समनिफ्रायनो बेनि रिलिजखौ नेनानै दंबायथायोमोन, जायखौ दा सनिआ आरोबाव गोबाव समनि थाखाय फासय होबावबाय। सावथुननि नैथि खोन्दोनि जाफुंसारायनि उनाव साफ्रोमबो आसा खालामदोंमोनदि, मेकार्सफोरा थाबेनो 'स्पाइडार मेन:बियन्ड दा स्पाइडार भास'खौ रिलिज खालामगोन। नाथाय मानिबा जाहोननि थाखाय सनिआ बेखौ 2025 आव रिलिज खालामनो थांखि लादों। डेडलाइननि मोनसे सुलुंनि बायदिब्ला, सनि पिकचास' एनिमेसनआ 2025 आवबो 'स्पाइडार मेन बियन्ड दा स्पाइडार भास'खौ रिलिज खालामनो जेबो प्लानिं खालामाखै। मेकार्सफोरा



आथिखालाव सावथुननि क्वालिटिनि सायाव खामानि मावगासिनो दड; मानोना बेनि एनिमेसनखौ सुबुंफोरा जोबोद मोजां मोन्दोंमोन। आसा खालामनाय जायोदि, बे सावथुना 2026 आव सिनेमा हलफोराव रिलिज जागोन। सावथुनआव शमिक मुरआ माइल्स मोरालेसनि बिफाव होदों। बिथांजों लोगोसेनो हेलि स्टेनफेल्ड, ब्रायन टयरि हेनरि, लेरेन भेलेज, जेक जनसन, जेसन श्वार्टजमेन, इस्सा राय, करण सिनि, शिया व्हिधम ग्रेटा लि आरों डेनियेल कलुया बायदि फावगिरिफोरेखौबो नुनो मोन्दों, जायफोरा बेव गावसिनि गारां होदों। भारतिय स्पाइडार मेन

हिसाबै पवित्र प्रभाकरखौ 'स्पाइडार मेन एक्स दा स्पाइडार भास'आव दिन्थिनाय जादोंमोन। बेनि गेजेराव, क्रिकेटर शुभमन गिलआ बेनि हिन्दी डाबिंआव गारां होदोंमोन। 'स्पाइडार-मेन अक्रस दा स्पाइडार-भास'आ क्रिटिक्स च्वाइस मुधि एवार्डस, एनि एवार्डस आरों प्रडिउसार गिल्ड अफ आमेरिका एवार्डसआव साबसिन एनिमेटेड फिचार बायदि एवार्डफोरखौ गावनि मुं खालामनो हादोंमोन। अदेबानि गलडेन ग्लब एवार्ड, बाफ्टा एवार्ड आरों एकाडेमि एवार्डआवबो नमिनेसन मोन्तो हादोंमोन।


## स्टिभेन स्पिलबार्गआ गावनि गोसो बोनो हाथाव सावथुनफोरनि थाखाय माखासे बान्था देरहादोंमोन



स्टिभेन स्पिलबार्गआ हलिउडनि टप डायरेक्टरफोरनि गेजेराव सासे। बिथानि बानायनाय सावथुनफोरखौ नायगिरिफोरा जोबोर मोजां मोनो। बेनिखायनो स्टिभेननि बांसिन सावथुनफोरखौ मोजाडैनो प्रेजेन्टेसन खालामो। मुंदांखा डायरेक्टर स्टिभेन स्पिलबार्गनि दिनै जोनोम सान। 1975 माइथायाव स्टिभेन स्पिलबार्गआ 'ज' सावथुनखौ बानायदोंमोन। सावथुनाव मासे ना टिमिजों एटेक खालामजानाय सल 'खौ दिन्थिनाय जादोंमोन।

पदायाव ना टिमिखौ गिथावना महराव नुनानै नायगिरिफोरा गोजांस्त्रिउदोंमोन। 70थि जौथायाव भारतआव 'शले' बायदि सावथुनफोरखौ दिन्थिनाय जादोंमोन। नाथाय फारसेथिं, बे समाव स्टिभेन स्पिलबार्गआ 'ज' बायदि सावथुनखौ बानायगासिनो दडमोन। बे बायदिनो 'जुरासिक पार्क (1993)' सावथुननि थाखाय नायगिरिफोरा दासिमबो बोदोर जायो। बे सावथुनाव गिदिर पदायाव डायनासरेखौ स्टिभेन स्पिलबार्गआ जोबोद

समाइनानै दिन्थिदोंमोन। सावथुनाव डायनासरे आरों सुबुंफोरनि गेजेरनि जेनानि सल 'खौ दिन्थिनाय जादोंमोन। 1982 माइथायाव रिलिज जानाय सावथुन 'इटि दा एक्सट्र टेरैस्ट्रियल' आव स्टिभेन स्पिलबार्गआ सुबुं माहारिनि मोन्दांथिनाय आरों एलियाननि सल 'खौ सरजाबानानै दिन्थिदोंमोन। बेयो मोनसे साइन्स फिक्सन सावथुनमोन। 'दा कालार पार्पल' सासे आइजोनि खस्टनि सल 'खौ दिन्थिनाय जादोंमोन। बे सावथुना गावनि समाइना सल 'नि थाखाय माखासे बान्थाबो देरहादोंमोन। लोगोसेनो स्टिभेन स्पिलबार्गआ बे सल 'नि गेजेरजों फोरमान खालामोदि, जुदि बिथाड 'ज', जुरासिक पार्क बायदि एक्साइटेड सावथुनफोरेखौ बानायनो हायोब्ला साबसिनै मार्मिक एबा गोसोबोनो हाथाव सल 'फोरखौबो दिहुनो हायो।



आसामनि मुंदांखा सावथुन दिहुनगिरि रिमा दासआ फोसावोदि, बिथानि फैनो गोनां सावथुन 'भिलेज रकस्टार्स 2' खौ बार्लिन हारिमायारि फिल्म महात्सभआव मुंदांखा जेनेरेशन सेक्सनि थाखाय सायख'दों। बेयो सावथुननि थाखाय मोनसे मख'जाथाव मोन्तो हानाय। रिमा दासआ सशेल मिडियाआव गावनि गोजोन्याय आरों एक्साइटेड जानायखौ फोरमायनानै गावनि टिमिखौ गावजों गोबां खस्ट आरों हेफाजाब होफानायनि थाखाय साबायख'र होदों। 'जों बेखौ शोयार खालामनो मोन्नायनि थाखाय बोजोर गोजोन्याय मोन्दों। 'भिलेज रकस्टार्स 2' आ आसामनि मोनसे गोथौ गामिनि लाइमोन हिन्जावसा धुनि सायाव बानायनाय सल', जाय मोनसे रक बेन्ड बानायनो सिमां नुयो। सावथुननि प्रिमियरआ 2025 नि फेब्रुवारीयाव बार्लिनआव जानो हागौ। रिमा दासनि सावथुनफोराव जेब्लाबो सिनारथि, कमिउनिटि आरों सुबुं माहारिनि थासारिनि सोमोन्दै खौरां लानायखौ नुनो मोनो। 'भिलेज रकस्टार्स 2' जों लोगोसे रिमा दासखौ आथिखालाव भारतनि बयनिखुइबो एक्साइटेड आरों लाइमोन बैसोनि सावथुन दिहुनगिरिफोरनि गेजेराव सासे होना मिबथिनाय जायो।

## गौरभ आरुडारखौ अटिटी वेब सिरिज 'तनाव'नि नैथि सिजनआव नुनो मोन्दों

असुरआव केसर भरद्वाज जानानै अडिटेन्सफोरनि गोसोआव जायगा आवग्रिनो हानाय गौरभखौ अटिटीनि वेब सिरिज 'तनाव'नि नैथि सिजनआव नुनो मोन्दों। फावखुंगुखौ सुबुंफोरा बिथानि एक्टिजों लोगोसे बिथानि गारांनि थाखायबो अन्सायो। बावैसो सिगां फावखुंगुआ तनावआव



खामानि मावनाय आरों सुटिजों लोब्ला थानाय गावनि मोन्दांथिनायनि सायाव गुवारे सावरायदों। लोगोसेनो मिबथि होयोदि, माबोरैहाय बिथांआ फरिद मिरनि रलखौ अफार मोना। गौरभखौ नोंथांमोननि गेजेराव माखासे सुबुंफोरा फेमास


मैथलजिकेल सिरिज 'असुर'आव नुनो मोन्दों जानांगो, जेराव बिथांआ गावनि गारांजों बयनिबो गोसोआव जायगा आवग्रिनो हादोंमोन। तनावनि सिजन-2आव फरिद मिरनि फावनि सायाव बाश्त्रा सावरायनानै बिथाडा मिबथि

होयोदि, तनावनि नैथि सिजनआव बिथानि फावकौ सासे औरैबायदि होवानि महाव दिन्थिनाय जादोंमोन, जाय गावनि बिफा थैनायनि थाखाय खिथेर लानो नागिरो। बे केरेक्टरखौ खालामनायनि थाखाय फरिद मिरआ सिंआव आरों बाइजोआव मोननैजोंबो माखासे रोखोमनि स्ट्रगलजों मोगा-मोगि जानांदोंमोन, मानोना बिथानि थ्यरिआ बेनोदि, बिथांआ जायखे थार मोनो बिनि थाखाय जुजियो। बयनिखुइबो जर'खा बाश्त्राया बेनोदि, फरिदनि फावखौ माबोरैबिथांआ बे रलखौ हरखाबैनो मोनखो।

मडेलनिफ्राय फावखुंगु जानायआ बे रलनि थाखाय गोसोआव मेनिफेस्ट खालामदोंमोन। गौरभआ मोनसे खौरखव मिबथि होदोंदि, बिथांआ सानसेखालि इन्ड्रालिनि स्व' फौदाखौ नायगासिनो दंमोन आरों बिथांआ बे स्वखौ जोबोद मोजां मोन्दोंमोन। बिथांआ बुडोदि, जेब्ला नैथि सिजन फैंदों अब्ला आं नायदों। जेब्ला आं बे स्वखौ नायगासिनो दंमोन अब्ला आं बुडो, वाट बेयो फाव, फरिदनि फाव? आं जुदि माब्लाबा बे रलखौ खालामनो खारु मोनोब्ला आं खालामगोन होनानै आं मेनिफेस्ट खालामदोंमोन।

## '28 इयार्स लेटार' सावथुननि ट्रेलारखौ रिलिज खालामबाय

आथिखालाव हरर सावथुनफोरनि सिजन सोलिगासिनो दड। साफ्रोमबो आथिखालाव हरर सावथुनफोरखौ नायनो मोजां मोनगासिनो दड। जुदि नोंथांमोनहाबो हरर सावथुन नायनो मोजां मोनो अब्ला फैनो गोनां बोसोराव नोंथांमोननि थाखाय बे बायदि सावथुनआ फैंगासिनो दड। जायखौ नायोब्ला नोंथांआ गिनानै गोजांस्त्रिउदो हागौ। बे सावथुननि मुंआ '28 इयार्स लेटार'। बावैसो सिगां सावथुननि ट्रेलारआ रिलिज जाबाय आरों बे खौ नायनानै बयबो गोमोहाबदों। 28 इयार्स लेटारनि ट्रेलारखौ बयबो जोबोद मोजां मोन्दो। बेयाव 24 घन्टाआव गोबां भिउज मोन्दों। जायखौ



नुनानै मेकार्सफोराबो गोमोदों। 28 इयार्स लेटारनि ट्रेलारआ 24 घन्टायावनो 6 कौटि भिउज मोन्दों। लोगोसेनो नैथि नम्बरआव बांसिनै नायजानाय हरर सावथुननि ट्रेलार जादों। बे लिस्टाव गिबि नम्बरआव दासिमबो 9 कौटि 60 लाख रंजों लोगोसे 'इत सेत्तार तु'आ जायगा लानानै दड। बे मोननैबो सावथुनफोरा जोबोद गिथावना।

28 इयार्स लेटारनि बाश्त्रा सावरायबोबे सावथुनआ 20 जुनआव सिनेमा हलफोराव रिलिज जागोन। बेयो मोनसे एपकेलिक हरर सावथुन। बे फ्रेन्साइजिआ गिबिथावनो मोननै सावथुनफोर '28 डेज लेटार' आरों 28 उइक्स लेटार'आ नुजाथिखांबाय। बे सावथुनफोरखौबो सुबुंफोरा जोबोद अन्सायदोंमोन। '28

इयार्स लेटार' सावथुनआव किलियान मर्फि, जडि कामर, शल्फ फेनिस, एरिन केलिमेन आरों एडविन राइडिंमोनखौ गाहाइ बिफाव होनाय नुनो मोनगोन। अन्साइगिरिफोरा बे सावथुनखौ नायनो थाखाय एक्साइटेड दजागासिनो दड। सशेल मिडियाआव सावथुननि मोनसे पस्टार भाइरल जागासिनो दड। जायखौ नायनानै सुबुंफोरा सान्दोंदि, बियो किलियान मर्फि, नाथाय बिदि नडा। बियो किलियान नडा गुबुन फावखुंगुसो। किलियानआ गावनो बेनि सोमोन्दै रोखा खालामदों। 28 इयार्स लेटारनि ट्रेलारखौ नायनानै उनाव सुबुंफोरनि गेजेराव बेखौ लानानै एक्साइटेड जानाया बादों।

## अरुनाचल प्रदेशआ नेसनेल एडभेन्सार् रेसिंखौ बान्जायनो थियारि जादों

इटानगर, 18 डिसेम्बर: राइज्योआव एडभेन्सार् गेलेमु आरों दावबायथायखौ जौगाहोनो थाखाय अरुनाचल प्रदेशनि शि यमी जिल्लानि मेसुकाआव फैंगौ बोसोरनि 17-20 एप्रिलनि गेजेराव थामथि नेसनेल एडभेन्सार् रेसिं सेम्पियनसिपखौ बान्जायनो थियारि जाबाय। एडभेन्सार् एट मेसुका मुनि बे हाबाफारिआव भारतनि गुबुन गुबुन राइज्योफोरनि गोसो गुदु बिजाथिफोरा बाहागो लाफैगोन। जेराव नायगिरिफोर आरों साहस गोनां गेलेमुखौ मोजां मोनग्रा अन्सायगिरिफोरा रंजानाय लाफैनो हागोन। जर'खायै बे गेलेमुखौ राइज्योआव एडभेन्सार् गेलेमुफोर आरों दावबायथाय बिथिडव जौगानाय लाबोनो थाखाय खुंनुनाय जायो। जेराव नायगिरिफोरा गेलेमुखौ रंजानाय लानायनि अनगायैबो राइज्योनि गुबुन गुबुन दावबायारि थावनिफोराव दावबायनो खारु मोनगोन। बेनि थाखाय बान्जायग्रा ओन्सोलाव फारफ्रोमथिबो थियारिआ जागायदों। बे इभेन्टखौ बान्जायगोननि सायाव रोखा फोसावनानै दावबायारि बिफाननि मन्थि पासं दर्जि सनाआ अन्सायगिरिफोरखौ



एडभेन्सार्नि थाखाय रंजानाय लानो आरों बादायारिफोरखौ थियारि जानो खावलायहरो। लोगोसे राइज्योआव थामथि खेव महरै खुंजानो गोनां नेसनेल एडभेन्सार् सेम्पियनसिप 2025 खौ एट एडभेन्सार्खौ बान्जायनाय जागोन। बेनि थाखाय राइज्यो सरकारनिफ्राय राडारि बिथिडव हेफाजाब होनाय जादों।



## ज्ञान आरो रेश्माआ टपसेम-एएसजे इन्टार-मिडिया बेडमिन्टन सेम्पियनसिपआव देरहादों



**गुवाहाटी, 18 डिसेम्बर:** ज्ञान रञ्ज बरा आरो सायेदा रेश्मा हाइदेरआ टपसेम-एएसजे इन्टार-मिडिया बेडमिन्टन सेम्पियनसिपआव गावसोरनि गोर्खों फर्मजों बिमुं देरहानो हादों। गुवाहाटी नोजोरमानि कनकलता स्टेडियमआव खुंजानाय बे सेम्पियनसिपआव

बिसोर सानैआ जोबनायसिम गोर्खों फर्मजों लाखिनानै फारिये हौवाफोरनि सिंगेल आरो आइजोफोरनि सिंगेल बिमुंखौ देरहानो हादों। हौवाफोरनि सिंगेल फाइनालआव प्राग निउजनि गेलेगिरि ज्ञान रञ्जना आसाम ट्रिब्युननि बादायारि ऋतुराज बरठाकुरखौ 21-10

## आस्विनआ हारिमायारि क्रिकेटनिफ्राय आजिरा फोसावबाय



**गोदान दिल्ली, 18 डिसेम्बर:** भारत आरो अस्ट्रेलियानि गेजेराव गेलेनाय थामथि मेचआ डूआव जोबलांबाय। जेराव बे सिरिजआ खेबनै मेच गेलेनांगो दंबावो। बेबादि थासारियावनो भारतनि स्टा गेलेगिरि रविचन्द्रन आस्विनआ हरखाबै आजिरा लानो फोसावो। बिथाड गावनि गोहोजों माखासे मेचफोराव हान्जाखौ देरहादों। जेराव बिथानि आजिरा फोसावनायनि उनाव हान्जानि केप्टेन रहित शर्माआबो इम 'सन जादों। भारत-अस्ट्रेलियानि गेजेराव गेलेनाय मेचनि उनावनो बिथानि आजिरा फोसावनाया सोराडव फेदों। अब्लाबो बिथाड आद्रा खेबनै टेस्ट मेचखौ हान्जाजों गेलेलांगोननि फोथारि थोदों। सिगां फासे बिथाड गावनि गोब्राब थिरांथाजों बेबादि थारि लानायखौ फोरमायो आरो आइपिएलआव गावनि बाहागो लागोनखौ फोरमायदों। गावनि केरियारआव बिथाड खेब 106 टेस्ट मेच गेलेनाय समाव 537 उडकेट लाखिदों। गावनि केरियारआव बिथाड खेब थामजिस्नि 5 उडकेट आरो खेबडाइन 10 उडकेट लानायनि रेकर्डबो थिसनो। बे समाव बिथानि टेस्ट केरियारनि इक 'नमीआ 2.83 आव थाहयो। भारतनि थाखाय गेलेनाय खेब 116 वन्डे मेचआव बिथाड 156 उडकेट लादों। जेराव आस्विननि वन्डेआव इक 'नमीआ 4.93 आव थाहयो। मख 'नाय जायोदि, भारतनि थाखाय गेलेनाय खेब 65 टी-20 हारिमायारि मेचआव बिथाड 72 उडकेट लानो हादों। रेकर्डनि फारिआव आस्विनआ 11 प्लेयार अफ दा सिरिज बान्था देरहादों। जेराव बिथानि बे रेकर्डआ दासिमआव बयनिबो सिगाडव जायगा मोननै दड।

## प्राइड इस्ट माभेरिक्स आरो सानराइजआ गुवाहाटी प्रिमियर लीगआव देरहादों



**गुवाहाटी, 18 डिसेम्बर:** गुवाहाटी प्रिमियर लीग फुटबल टुर्नामेन्टआव प्राइड इस्ट माभेरिक्सनि हान्जाया गोर्खोडै बादायलायनाय मेचआव मोजाडै दिन्थिफुंदों। जेराव नोगोरनि जाज फिल्डआव बादायनाय बे मेचआव माभेरिक्सनि हान्जाया एनएफआरएसएनि हान्जाखौ 2-1 गलआव फेजेनो हादों। बे मेचआव देरहानाय हान्जानि जानानै 12 थि आरो 68 थि मिनिटआव गरनैबो गलखौ जौब्ला ब्रह्मा सोनो हादों। जेराव बिथाड बे गलजों अन्सायगिरिफोरनि गोसोखौ देरहादों। गुबुन फासे जेन्नाय हान्जानि जानानै सिन्ना नाजिरिआ जोबथा व्हुसेल होनायनि 2 मिनिट सिगां गल सोदोंब्लाबो हान्जानि जेन्नायखौ रैखाथि होनायव फेलें जायो। पिइएम आरो एनएफआरएसएआ बे लीगआव क्लास्टर बिनिफ्राय नकआउट थाखोआव सौहैबाय। बे साननिनो गुबुन मोनसे मेचआव सानराइज एथलेटिक्स क्लबआ रेड बि इंकनि सायाव 2-1 गलनि फारागआव देरहादों। बे मेचआव थियाम आमुजाअ मैतेइआ 36 मिनिटआव सानराइजनि जानानै गल सोयो। जेराव इफाव हुसेनआ 56 मिनिटआव हान्जानि जानानै नैथि गलखौ जोसन्तो हायो। गुबुन फासे बेनि उनाव लीचरम पि सिंहआ मेचनि 58 थि मिनिटआव रेड बिनि जानानै गल सोफिनो हादोंब्लाबो हान्जाखौ समानआव लाबोफिन्याव फेलें जाहैदों।

## इउएफए अमेन्स इउरपा काप 2025-26 आ जागायसिगोन



**गोदान दिल्ली, 18 डिसेम्बर:** इउएफए एक्जिकुटिभ कमिटीआ गोदानै सोरजिजानाय नैथि आइजोफोरनि क्लब बादायलायनायनि मुं महरै इउएफए अमेन्स इउरपा कापखौ खुंफुनो गनायथि होबाय। बे बादायलायनाया 2025/26 सिजनआव इउरपनाडैनो आइजोफोरनि फुटबलनि फोथारआव मोनसे गोदान जावरिखानाय लाबोनायजों जागायगोन। थानाय बोसोरसेनि सिगांनो फोसावनाय बे बादायलायनाया 2025-26 नि सिजनआव जागोन। जेराव बेयो इउरपनाडैनो आइजोफोरनि फुटबल जौगानाय मोनसे माइल खुथिया जागोन। इउएफए अमेन्स इउरपा कापआ गोबां हान्जाफोरनो हादरमायारि थाखोनि बादायारिफोरजों गावसोरनि रौगथिखौ नायनो खाबु होगोन। लोगोसे इउरपआवनो बे गेलेमुनि गेजेरजों फुटबलनि फोथारआव मोनसे जावरिखानाय फेगोनखौ मिजिंधिदों। नैथि आइजोफोरनि क्लब बादायनाय टुर्नामेन्ट महरै बेयाव गोबां आइजोफोरनि हान्जाफोरा बाहागो लाफेगोन। मख 'नाय जायोदि, इउरपाखौ सिगां समनिफ्रायनो इउरपनि क्लब फुटबलआव नैथि मासि मोननाय राव महरै गनायनाय जाबोदों।

## भारतआ वर्ल्ड बक्सिं काप फाइनाल 2025 आरो वर्ल्ड बक्सिं कंग्रेसखौ बान्जायनो थियारि जादों

**गोदान दिल्ली, 18 डिसेम्बर:** भारतीय बक्सिं फेडरेशनआ मुंदांखा इभेन्ट वर्ल्ड बक्सिं काप फाइनाल 2025 आरो वर्ल्ड बक्सिं कंग्रेसखौ बान्जायनो मोन्थाय मोन्नायखौ रोखा फोसावनाय होबाय। जेराव बे इभेन्टआ फेगौ बोसोरनि जोबनायथि थामहिनबा नभेम्बर दानआव खुंजागोन। बे इभेन्टखौ बान्जायनो मोन्नाया भारतनि थाखाय मोनसे जर 'खा खाबु लाबोगोन। जेराव मुलुगनाडारि थाखोनि गेलेमुयारि इभेन्टखौ बान्जायनो मोन्नायजों लोगोसे लाइमोन गेलेगिरिफोरा मुलुगनाडारि थाखोसिम सौहैनायनि लामाखौ नुनो मोनगोन। 2025 नि वर्ल्ड बक्सिं काप फाइनालआ मोनसे रेंकि टुर्नामेन्ट महरै खुंजानाय इभेन्ट जागोन। जेराव बेनि थाखाय सोलिफु बोसोरनि जागायजेनायाव खेबथाम वर्ल्ड



बक्सिं काप खुंफुं दोंमोन। खुंजानो गोनां बे इभेन्टनि इलाइट इभेन्टआ मुलुगनि साबसिन बक्सारफोरखौ रिंआव लाबोगोन। जेराव बिथामोनहा गावसोरनि मुलुगनाडारि रेंकि महरै गावसोरनि गोहोखौ दिन्थिफुनो खाबु मोन्दों। बेजों लोगोसे वर्ल्ड बक्सिं कंग्रेस 2025 आवबो मुलुगनाडारि बक्सिं गेलेगिरिफोरा लोगो हम्जलायनो खाबु मोनगोन। जेराव बेनि गेजेरजों गेलेगिरिफोरा गावसोरनि जौगानाय, आदोब

आरो इयुनिन राहाखौ महर होनो खाबु मोनगोन। बेनि सायाव भारतीय बक्सिं फेडरेशननि आफादिगिरि अजय सिंहआ बान्जायनो मोन्नायखौ हादरनि थाखाय गोग्गाथाव फोरमायो। सिगां फासे बिथाड बे टुर्नामेन्टनि गेजेरजों हादरनि गोग्गानाय फेनायनि अनगायै बक्सिंनि लामायाव गोबां लाइमोनफोरनि दर्जा नुनो मोनगोनखौ फोरमायो। लोगोसे बेखौ बान्जायनो थाखाय गावसोरनि थाख-थियारि जानायखौ फोरमायो।

## आरपि बरुवा मेम 'रिएल मास्टार्स'आव एनएफआरएसएनि हान्जाया देरहादों

**गुवाहाटी, 18 डिसेम्बर:** मेम 'रिएल मास्टार्स' टी-20 एनएफआरएसए भेटेराननि हान्जाया इलाइट भेटेराननि हान्जाखौ आरपि बरुवा

मेम 'रिएल मास्टार्स' टी-20 क्रिकेटआव दबथायनानै देरहानो हादों। एनएफआरएसए फोथारआव बादायनाय बे

## हकी इन्डियाआ राउकेला आरो रान्सिआव जानो गोनां हकी लीगनि थाखाय जर 'खा खाबु फोसावदों



**गोदान दिल्ली, 18 डिसेम्बर:** हकी इन्डियाआ हकी इन्डिया लीगनि राउकेला आरो रान्सिआव जानो गोनां हौवा आरो आइजोफोरनि बादायलायनाय मेचनि थाखाय अन्सायगिरिफोरखौ स्टेडियमआव बेसेनाडाडलासे हाबनो मोनगोननि फोसावलाइ होदों। गासै मोन 8 हौवा हान्जाफोरनि हकी इन्डिया लीगनि गोदान फर्मेटआ फेगौ 28 डिसेम्बरनिफ्राय राउकेलानि बिर्सा मुन्दा स्टेडियमआव जागोन आरो फेगौ बोसोरनि गिबि फेब्रुवारिआव थुंगेगोन। गुबुन फासे आइजोफोरनि लीगआव मोनब्रै हान्जाफोरा 12-26 जानुवारिनि गेजेराव रान्सिनि मरां गम्के जयपाल सिंह मुन्दा एस्टर्टफआव बादायगोन। हकी इन्डियाआ लोगोसे लीगसिम सौफेनाय सुबुंफोरखौ बांहोनो थाखाय हौवा आरो आइजो केटेगिरिनि माखासे सायख 'नाय मेचफोरखौ गावसोरनि नख 'रारि जायगायाव खुंफुनो थिरांथा लादों। जायनि सायाव हकी इन्डियाआ खौरां बिजोनि गेजेरजों टिकेट फानाय मुलाम्फाखौ नागरानानै हकीखौ हादरआव जौगाहोनो आरो गोबां अन्सायनाय मोन्नायनि थारिजों बेबादि थिरांथा लानायखौ फोरमायो। हकी इन्डिया लीगनि सामलायग्रा आफादिनि आफादिगिरि दिलिप तिकीआ गावसोरनिफ्राय जुथायै सावरायनायनि गेजेरजों बे थिरांथा लानायखौ फोरमायदों।

## वर्ल्ड टेस्ट सेम्पियनसिपनि पइन्ट फारिलाइआव सोलाय-सोल' जादों

**गोदान दिल्ली, 18 डिसेम्बर:** भारत आरो अस्ट्रेलियानि गेजेराव टेस्ट सिरिजनि थामथि मेचआ डूआव थुंगेयो। बे सिरिजनि जोबथा सानआव मोननैबो हान्जाया देरहानो थाखाय गोब्राब नाजादोंब्लाबो बोथोरआ गनायथि होयाखै। बे समाव भारतनि हान्जाया बेटिं खालामनो ऑखारजेन्दोंब्लाबो 2 अभावरआवबो बोथोरआ होबथादों। जाउनाव अखा बन्द जानायनि उनाव मेचखौ जागायगोननि मिजिंधि लादोंब्लाबो गोबवाव सम अखानि थाखाय मेचखौ डू फोसावो।



बेबादि थासारिआव वर्ल्ड टेस्ट सेम्पियनसिपनि पइन्ट फारिलाइआव माखासो सोलाय-सोल' जानानै फेयो। बे डूनि जाउनाव खोला आफ्रिकानि हान्जाया बांसिनै मुलाम्फा मोन्दों। जेराव बे हान्जाया 63.33 पिसिटिजों नम्बर 1 आव सौहैयो। बेनि उनाव अस्ट्रेलियानि हान्जाया 60.71 पिसिटिजों नैथि आरो भारतआ 57.29 पिसिटिजों थामथि नम्बरआव जायगा मोनो। अब्लाबो भारतआ डब्लिउटिसिनि फाइनालआव सौहैनो मोन्नायनि लामायाव दड। थामहिनबा भारत आरो अस्ट्रेलियानि गेजेराव मोनसे हान्जाया फाइनालनि थाखाय मासिखौ खोमानांनो हागौ। खोला आफ्रिका, अस्ट्रेलिया आरो भारतनि हान्जाया फाइनालनि थाखाय रेसआव दड।



मेचआव एनएफआरएसएनि हान्जाया बे मेचखौ 7 उडकेटजों देरहादों। गुबुन फासे बे साननिनो गुबुन मोनसे मेचआव

22 यार्डस ग्लरिआ 91 यार्डस क्लबखौ 12 रानआव फेजेनो हायो। मख 'नाय जायोदि, इलाइट भेटेराननि हान्जाया 20

अभावरनि मेचआव 9 उडकेटजों 159 रान लानायनि फारिआव राजिब कलिताआ 63, राम कृपाल गुप्ताहआ 33 रान आरो डि बराआ 27 रान लानो हादों। गुबुन फासे एनएफआरएसएनि हान्जाया 19.4 अभावरआवनो 3 उडकेटजों 161 रानसिम सौहैनाय फारिआव हान्जानि गेलेगिरि अभय रयआ 61 आरो जयदीप नाथआ 51 रान लानो हायो। बे साननिनो गुबुन मोनसे मेचआव 22 यार्डस

ग्लरिआ 20 अभावरआव 6 उडकेटजों 154 लानायनि फारिआव रञ्जना डेकाआ 71 आरो पंकष कलिताआ 23 रान लानो हायो। 91 यार्डस क्लबनि हान्जाया बेनि फिन्नायाव आबु 20 अभावरआव 6 उडकेट खोमानायजों 142 रानआवनो राहा गोथे जाहैनाडो। जायनि फारिआव धीराज गस्वामीआ 36, सायेद तारिकुर रहमानआ 25 रान आरो राजेन्द्र सिंहआ 25 रान लानो हायो।



आसाम सरकार



माहारियारि देहा मावथांथि, आसाम

## सांस हाबाफारि

12 नभेम्बर 2024 - 28 फेब्रुवारी 2025



निम 'नियाआ मोनसे गोब्राब बेराम। बेयो बा बोसोरनि उन्दै गथ 'फोरनि गेजेराव थैनायनि गाहाइ जाहोन। बेनिखायनो, नख 'रआरि राहा नागिरनानै गावनि समखौ औरैनो गारनो नाडा।

जुदि नोंथाडा निम 'नियानि लैक्शनफोरखौ नुयो, अब्ला थावैनो नोंथानि खुदियाखौ खाथिनि सावसि सिविथाय मिरुआव लां।

निम 'नियानि लैक्शनफोर



ग 'ग' मोन्नाय आरो गुजुनाया बांवाय जानाय  
गोखेदे हां लानाय  
बिखाया सिखाव हबनाय  
गोब्राब लोमजानाय

निम 'निया होबथानायनि राहाफोर



गोनां बोथोरनि समाव गथ 'फोरखो गुजु नि-जोमजों खोबनानै लाखि आरो बिसोरखी लांदां आधिआव वा थाहो।  
न 'आव उखुन्दै सोमजिनयखी नेवसिनो थाखाय जात्रा आवार संनायाव एलपिजि र्दथ वाहय।  
जोमोम जागोवान गथ 'साखी जि-जोम गानहैया लासेनो दोनो नाडा।

निउम 'क 'कल कन्जुगेट भेक्सिन (पिसिभि)आ निम 'नियाखौ होबथानो थाखाय बयनिखुइबो बाडायसिन बेसेन गोनां आगजुफोरनि गेजेराव मोनसे।  
बिसिभिखौ गासैबो सरकारी देहा सिविथाय मिरुफोराव बेसेन नाडा लासेनो मोनो हायो।

SGANS  
सौंस  
निमोचिया नई, तो बयन सडी

(NHM/D/2024-25/481)